

11886/c







4964  
DISSERTATIO MEDICO-THERAPEUTICA

INAUGURALIS

DE

VALDE MULTIPLICI FEBRIUM INTER-  
MITTENTIUM MEDICATIONE,  
SPECIATIM DE MEMBRORUM  
MAIORUM CIRCUMSCRIPTIONE;  
TENTAMINIBUS IN NOSOCOMIO  
ACADEMICO EXPLORATA,

QUAM,

SUPREMO FAVENTE NUMINE,

EX AUCTORITATE RECTORIS MAGNIFICI

GABRIËLIS VAN OORDT,

TH. DOCT. ET PROF. ORD. ET CONCION. ACADEM.

AMPLISSIMIQUE SENATUS ACADEMICI CONSENSU, ET NO-  
BILISSIMAE FACULTATIS MEDICAE CONSULTO,

PRO GRADU DOCTORATUS

SUMMISQUE IN MEDICINA HONORIBUS ET PRIVILEGIIS, RITE  
AC LEGITIME CONSEQUENDIS,

SOLENNI ERUDITORUM EXAMINI SUBMITTIT

WILHELMUS REINERUS VAN BAERLE,  
GELRO-BATAVUS.

---

DIE XXXI. JULII MDCCCIX. Hora I. I. C.

---

TRAJECTI AD RHENUM,

Ex Officinis OTTON. IOANN. VAN PADDENBURG,  
ET J. VAN SCHOONHOVEN,  
Academiae Typographorum.

*Neque hercule satis est, ipsas tantum febres Medicum in-  
tueri, sed etiam totius corporis habitum, et ad eum diri-  
gere curationem, seu supersunt vires seu desunt, seu qui-  
dam mali affectus interveniunt. Celsus.*

*V I R O . A M P L I S S I M O*

ALOISIO . GULIELMO . LAURENTIO . VAN . BAERLE

CAUSSIS . LITIGANTUM . PARTUM . AMICE . COMPONENDIS . PRAEFECTO  
TRIBUNALI . QUONDAM . AB . ACTIS . CET .

PARENTI . OPTIMO . CARISSIMO .



*V I R O . S P E C T A T I S S I M O . C O N S U L T I S S I M O*

*S E N I . P L U R I M U M . V E N E R A N D O*

HERMAN . BAREND . HONDEBEEK . HEERKENS

PHIL . ET . JUR . UTR . DOCTORI . AULAE . IURIDICAE . PROVINCIAE  
SUPERIORIS . GELRIAE . QUONDAM . AB . ACTIS . CET .

AVO . MATERNO . DILECTISSIMO . AD . ROGUM  
USQUE . COLENDO .



*V I R O . C L A R I S S I M O . E R U D I T I S S I M O*

*S E N I . M A X I M E . R E V E R E N D O*

M A T T H I A E . V A N . G E U N S

MED . DOCT . MEDIC . REG . CONSIL . PRIMAR . DISCIPL . MEDIC . INSTIT;  
ET . PRAX . NECNON . BOTAN . PROF . ORD . REGIONISQUE . TRA-  
JECTINAE . ARCHIATRO . REG . INSUPER . ORDIN . EQUESTR .  
SOCIETATIQUE . AD . PERFICIENDAM . ARTIUM . SCIEN-  
TIAM . ADSRIPTO . CET .

PRAECEPTORI . AC . DIGNITATIS . SUAE . PROMOTORI  
EXOPTATISSIMO ,

*VIRO . PERILLUSTRI . DOCTISSIMO*  
**CORNELIO . HENRICO . A . ROY**

MED . DOCT . MEDIC . REG . ORD . PRIMAR . NOSOC . AUTEM . MILITAR .  
PER . UNIVERS . HOLLAND . CURANDIS . PRAEF . MEDIC . PRIMAR .  
SOCIETATIQUE . REG . AD . PERFICIENDAM . ARTIUM . SCIEN-  
TIAM . ADSRIPTO . CET .

FAUTORI . SUO . AMICO . HONORATISSIMO .




ITEM . CONSANGUINEIS . PRAECEPTORIBUS  
AMICISQUE . CETERIS .

IN . PERPETUAM . GRATI . ANIMI . ET . OBSERVANTIAE  
TESSERAM

HASCE . LABORIS . SUI . LITTERARII . PRIMITIAS  
SACRAS . ESSE . VOLUIT . AUCTOR

*W. R. VAN BAERLE.*





*DISSERTATIO MEDICO-THERAPEUTICA INAUGURALIS.*

DE

VALDE MULTIPLICI FEBRIUM INTERMIT-  
TENTIUM MEDICATIONE, SPECIATIM DE  
MEMBRORUM MAIORUM CIRCUMSTRI-  
CTIONE, TENTAMINIBUS IN NO-  
SOCOMIO ACAD. EXPLORATA.

---

P r o æ m i u m.

§. I. **P**eracto jam disciplinae medicae studio academico, quum mihi, Doctoris honores ambiendi licentiam nacto, doctrinae argumentum quoddam, tamquam profectuum meorum quaecunque specimen, sit elaborandum et in publicum emittendum: in tantâ rerum, quam amplissimus scientiae Medicinae ambitus exhibet, copiâ, diu multumque dubius haesi, quamnam potissimum, hunc in finem, disputandi sumerem materiem, eamque nec nimis tritam, nec viribus juvenilibus superiorem. Ut adeo, quae juvenum, in arenam litterariam primum proditurorum, fors fere communis est, in ipsâ hâc rerum copiâ consilii inops fuerim. Quâ ergò incertitudine ut me expedirem, consultum adii aestumatissimum Praeceptorem

A

ac

ac Promotorem, maxime venerandum senem Geunsiu[m], qui, uti singularem in me erudiendo et ducendo operam posuit (pro quâ licet gratias referre non potuerim, animo tamen habebô, dum vivam), ita pro singulari suâ humanitate amantissimè me excepit, cunctantique auctor fuit et suator, ut de circumfcriptione membrorum corporis majorum, tanquam efficaci ad febrium intermittentium impetum retundendum nuperius laudato, nobisque etiam institutis pridem in Nosocomio academico experimentis probato, attamen non valdè adhucdum usitato remedio, disputarem novisque tentaminibus, in medelae hujus valore aestimando ejusque usu et loco determinando, versarer. Arrisit mox rei novitas et utilitas, quam confirmatam nobis videre licuerat quamque auctoritas viri gravissimi etiam atque etiam commendabat.

§ II. Et profecto in tantâ remediorum consiliorumque, ad febres intermittentes ab omni tempore laudatorum, copiâ et diversitate non inutilis mihi visa est opera et labor, qui in medelâ hâc novâ expendendâ versaretur, non adeo ut medicamentaria penus, jam forte nimis ampla, ultra augeatur aut aggravetur; sed vel maximè ut novo probabilique hâc remedio verus suus assignetur usus et locus; utque insuper aliorum praecipuorum, ad febres hasce certissimè et optimè valentium, at virium diversitate Medicos facile confundentium, remediorum ratio etiam justa habeatur; quo fiat ut uni alterive soli in diverso morbi statu non inhaereamus medicamini, nec, empiricorum vulgarium more, per fortuita discurremus omnis generis medicationum pericula: sed ut, rationali incedamus therapîâ, distinguendo, quantum viribus valeamus, cum remediorum probatissimorum, at valdè diversorum, diversas facultates et agendi modos, tum aegrorum varias condiciones morbiq[ue] statum verè diversum, ut singula singulis rectè accommodando, nec promiscuè incongrua adhibendo remedia, neque uni alterive soli inhaerendo, sperato destituamur successu.

Quam-

Quamvis igitur principis remedii Corticis peruviani, paucorumque huic analogorum febrifugorum, at aliâ certe ac nostrum ratione agentium, utilitatem, usu nostri remedii prorsus commutari vel tolli posse nequaquam arbitremur; ratione tamen et observationibus doceri videmur, medicaminum illorum efficaciam eâ, quam hic laudamus, administratione interpositâ, non modò adjuvari et promoveri, sed et suppleri non nunquam posse. Atque adeo vel hâc de causâ neminem Medicorum fore confido, quin, in hodiernâ præsertim illâ corticis peruviani boni penuriâ et caritate, uti succedanea alia probatae virtutis remedia, ita nostram quoque administrationem avide protinus sit arrepturus, laudans ea, quae ad hanc recte aestimandam prudenter instituantur, pericula, quibus autem Nosocomia prae ceteris commodam suppeditant opportunitatem.

§. III. Quodsi insuper apud animum tantisper repute- mus, plurimas è nostris Regionibus numerosâ febrium, præsertim intermittentium, cohorte frequenter esse infestatas, tempore tam vernali quam praecipuè autumnali, immò nonnullas hisce febribus veluti endemiis, iisque saepè valdè perniciosiss, tamquam atro carbone notatas, divexari; tantò magis divinam revereri Providentiam oportet, quae simplex aded remedium cognoscere nobis dedit, quod, tam facile adhibitu nullisque ferè impensis grave, pauperculae plebi numerosaeque tenuis conditionis multitudini, cui res est angusta domi et curta suppellex, ex eo magis beneficum haberi debet, quod pretiosi, et hinc saepè non genuini nec boni, Corticis sumptibus parcat, sive usum ejus subindè suppleat sive minus necessarium faciat.

§ IV. Hisce ergò de causis ad argumentum propositum, quod utilitate medicâ, præsertim inter cives nostros, valdè commendabile visum est, pro ingenii tenuitate elaborandum, measque aded hâc operâ vires exercendas, facile impelli me passus sum, sperans fore, ut hasce qualescumque laboris mei litterarii primitias, aequi rerum arbitri benigno excipiant animo,

erroresque aut vitia, quae irrepsent, in bonam interpretari velint partem.

Ut autem idoneo quodam in hac disputatione meâ procedam ordine, hanc mihi proposui dicendorum normam: ut

- 1°. brevibus declarem ordinem varium, multiplicemque in febribus intermittibus medendis viam et rationem, a Medicis abhîram;
- 2°. speciatim agam de curatione illâ, quae fit, membra corporis majora, adventante febre, ligamine circumstringendo;
- 3°. quaedam de curationis hujusce efficaciam, factis in Nosocomio nostro academico tentaminibus, subjungam, effectusque ejusdem administrationis nobis observatos enarrem.





## Caput primum.

## DE VARIA ET MULTIPLICI AD FEBRES INTERMITTENTES LAUDATA MEDENDI VIA ET RATIONE.

§ V. Satis notum omnibus est, in Febre intermittente regulari omni spectandos venire ipsos non tantum febriles accessus, sive *Paroxysmos*, temporibus suis stasis prodeuntes, decurrentes et circuitu certo redientes, ita ut à febre liberum et cum paroxysmis alternans exhibeant temporis spatium, *Apyrexiam* sive tempus intermissionis; dum insuper in ipso febrili paroxysmo notanda sint diversa, per quae decurrit, *stadia*: *Horroris* puta et *Frigoris*, quo invadit, *Caloris* et *Exaestuati-onis*, quo viget, et denique *Sudationis*, quo defervescit paroxysmus.

§ VI. Itaque, secundum diversa haec febrium intermittantium tempora, ipsa quoque curatio non una esse solet et eadem, potestque haec dividi in eam, quae conveniat statui apyrexiae, hoc est, *extra paroxysmos*, inque illam, quae locum inveniat *in paroxysmo*. In paroxysmo denique pro stadiorum diversitate aliam atque aliam non raro postulari curandi rationem, notum iidem est.

Ex his autem jam protinus elucescit, valdè diversam et multiplicem esse posse, et saepe debere, medendi methodum, eamque vario isti intermittantium statui accommodatam, atque adedò diversitatem et curationis et remediorum multo majorem numerosioremque in hisce febribus, quam in febribus continuis, occurrere debere; itaque mirandum non esse, quandò valdè diversarum medicationum immensam ferè farraginem, ab hominum vulgo non tantum commendatam, sed etiam à scriptoribus practicis, ad febres intermittentes curandas, congestam et oblatam videmus.

A 3

§ VII.

§ VII. Quum autem bonae doctrinae studium exigit ut in ordinem quendam multiplex illa medicatio redigatur, quo singularum usus et locus melius aestimentur; videri quidem posset primâ divisione determinari debere curandi rationem variam illam quae fiat extra paroxysmum febrilem, ab iis, quae sub eodem adhibeantur, curationibus; dum alterâ divisione distinguantur curationes quae singulis accommodentur paroxysmorum stadiis. Atqui non unâ difficultate premitur talis medicationum distinctio et seunctio, quam latius exponere hujus non est loci nec temporis.

Facilior ergo, doctrinae nostrae usuique magis apta nobis visa est illa distinctio, quâ agatur

- 1°. de curâ *causali*, quae et mediata vocari possit;
- 2°. de curâ *morbi ipsius*, sive immediatâ. Quibus
- 3°. accedere potest cura *symptomatum* urgentium, sive palliativa.

Quae nimirum Indicationum distinctio therapeutica, uti ex antiquo, sed à Recentioribus non emendato, Boerhavi praecepto (*a*), in omnibus morbis attendenda est, sic et in febribus intermittentibus maxime utilis esse videtur, dummodo in hac curationis determinatione ratio hic insuper quaedam habeatur non tantum temporis vel apyrexias vel paroxysmi, sed et diversorum paroxysmi stadiorum.

Ad talem igitur normam, omisâ tamen curatione symptomatum urgentium, ne prolixior fiat disputatio, curationum, de quibus agimus, diversitatem nunc pro modulo nostro ordinare et expendere animus est.

#### A. De Curâ causali sive mediatâ.

§ VIII. Quemadmodum in ceteris corporis affectionibus morbofis, sic etiam in febribus intermittentibus aggrediendis cura Medici prima in eo versari debet, ut si quae occurrant causae evidentes adventitiae, vel propiores vel remotiores, è  
qui-

---

(a) *Instit. medic. Therapeut.* §. 1067, 1079–1082.

quibus, si non originem, saltim pabulum habeant febres, hae auferantur, subigantur, eliminantur; ut sic, sublata illa causa, tollatur, vel saltim mitigetur, ipsa affectio febrilis, curâ, quam vocamus, causali, quae etiam prophylactica dici possit.

Pro causarum ergo huius generis adventitiarum differentiâ, diversae quoque in censum hic venire solent curandi methodi. Adeoque

1°. Si adfuerit *indigesta* corruptaque *materia* vel *suburra* primarum viarum, cum digestionem primâ laesâ, per Indicantia certa cognita, adhiberi solet, pro re natâ, methodus, vel

a. *emetica*, vel

b. *purgans*, vel et

c. *digestionem* pravam *corrigens* inertemve *instaurans*.

2°. Sin forte peccaverint humorum *visciditas*, organorum *obstructiones* et *infarctus* cum solidorum *torpore*, confugitur ad methodum *resolventem*, quâ viae impeditae aperiantur, secretionnes et excreciones restituantur. Si denique, quod tamen rarum est,

3°. adfuerit hic *dispositio* utcumque *inflammatoria*, incitata, vel *sthenica*, haec methodum petit *deprimentem* sive *antiphlogisticam*.

§ IX. De curâ hâc causali per partes singulas agere longum foret, quum etiam satis fere habeam provocare ad ea quae Stollus, in aphorismorum Boerhavianorum editione suâ, de his curationibus, pro maximâ saltim parte, exposuit (b). Addere tamen liceat has animadversiones:

Primo, de fordibus primarum viarum, in hoc censu, probabilem mihi videri vir. clariss. Burserii et speciatim Hovenii sententiam, contendentium et egregiè probantium, has fordes non adeò frequentes esse causas febrium intermittentium, vel propiores  
vel

---

(b) Aphor. §§ 444 seq. 445. 446. item 439—443. et 437, 438.

vel remotiores, ac quidem vulgò creditur (c), easque fordes ut plurimum febrium potius esse effectus, vel et cum iisdem forte coincidere (d). Et profecto ille veteri scholarum Galenicarum praejudicio nondum vacuus videretur, qui etiamnum hodiè contendere vellet in febre intermittente omni adesse saburram crudam, vel puitosam, vel biliosam, vel atrabiliariam, tamquam causam materiale, imò hanc tamquam causam proximam considerare.

Interim tamen largimur, in febre intermittente dari ut plurimum fordes primarum viarum, siue vim habeant causae participis, siue effectus, siue cum febre coinciderint. Quae ergo si turgeant, eliminari viis aptis per idonea remedia debent. Si autem turgeant *sursum*, indicantur *Emetica*; sin *deorsum*, *Cathartica* idonea. Signa vero, quibus illa turgescencia sordium cognoscatur (e), non satis attentos nec peritos quandoque fallere possunt, utpote quando turgescencia à febre ipsâ aut et ab abusu purgantium oriunda sit. Contrà verò quandoque signa illa absunt, ubi tamen, propinato Emetico, multum corruptae bilis aut pituitae aegri per os reddunt. Sympathia partium nimirum hic etiam non exiguum habet influxum. Etenim, licet prae ceteris notabilis sit sympathia linguam inter et ventriculum, canalemque intestinale; quam tamen lingua cum cute imò cum pulmonibus alit, sympathia non est prorsus nulla (f).

Egregiam interim utilitatem Evacuantium, praesertim Vomitoriorum, ex indicatione datorum, non raro mirari licuit, quando citò citius febrim fugarint et quasi fregerint, non solum per promotam materiae cujusdam pravae eliminationem, sed et potius-

---

(c) Burser. in *Instit. Med. Vol. I. Part. 1.* §§ 85. 86. et von Hoven, in *Versuch über das Wechself.* Part. I §§ 30—42. Vitoduri 1789.

(d) *Ibid.* §§ 34—47.

(e) Stoll. *l. c.* § 444.

(f) Vid. Curt. Sprengel, *Handb. der Semiotik*, pag. mihi 156 seq.



tissimū per factam corporis totius concussionem (g). Hinc factum est ut duplici, vomendi puta et commovendi scopo (de quo posteriori alibi), propinanda tempore vel apyrexiae, saltem absoluto sudoris stadio, vel paullo ante paroxysmum, laudata sint Emetica.

Quodsi autem digestio prava, quae vulgò nomine Indigestionis insigniri solet, culpanda hic sit, praesertim in constitutionibus debilitate dispositis, statim cogitandum est de restaurandis organis digestricibus et chylopoiëticis, ne altiores malum radices agat: nam, uti sapienter Veteres, vitia primae digestionis sequentibus non faciliè corriguntur. Hinc amovendis quidem sordibus turgescens operam dare,

at

---

(g) Non possum autem, quin, pro methodi, de qua agimus, causalis evacuantis utilitate confirmandā, hic adscribam recentissimam Medici apud Roterodamenses eximii, Doct. H. van den Bosch observationem, quam clariss. Geunzio, ab amico hoc integerrimo, olim discipulo diligentissimo ad se perscriptam, mecum communicare placuit. Scil. in Febribus, cum quotidianis tum maximè tertianis, quae, Roterodami ab aliquo tempore epidemicae, grassari nondum desinant, incipientibus cum virium lapsu, cumque vitatae digestionis indiciis, felicissimum perpetuò curationis se habuisse successum scribit vir doct., ubi, indicante saburrā, protinus *Tartrit. potassae fibriatae* grana aliquot exhibuerit, insequente tam largā materiae pravae non sursum modò sed et deorsum reiectione, ut haec una evacuatio suffecerit, dum post eam confestim ad vires excitandas curam suam converterit; quae, hac conditione, efficacissima fuerit in febribus his, adynamia nervosā reformidandis immò hunc characterem protinus explicantibus, si, praeter unam illam primam emesin, methodo evacuanti — ulterius insistatur; quoniam utique efficaci methodo roborante in his opus sit, et praesertim quidem plenā corticis peruviani administratione tempestivā, modo praemisum fuerit Emeticum tantā hic laude dignum. Id quod pristinae ill. Stollii commendationis memoriam revocat, scribentis: „damnanda est Praxis, quae adeò mollem medicinam facit, ut numquam Emeticum, utut indicatissimum, propinare audeat, sed Eccoproticis, veterumque Minorativis, saepius et per epicrasin datis, morbum, uno emetico jugulandum, persaepe, cum periculo aegri non exigno, in longum trahit, *Rat. Medendi Part. I. pag. 52. Edit. Vienn.*”

at verò, ope digestivorum, salium mediorum, amarificantium, vinosorum et similium, virium digerentium inertiam vel maxime excitare et succorum menstruorum efficaciam instaurare oportet. A cibo insuper gravante abstinere ac diætâ analepticâ uti, in hoc statu adjumentum erit optimum.

§ X. Ad articulum *secundum* curae causalis observo: si consideremus in intermittentium plerisque subesse videri succorum quandam visciditatem, eamque organorum obstructions vel infarctus cum solidorum torpore facile comitari, liquet, et amplissimam esse posse et saepè debere methodi resolventis utilitatem. Ut meritò illustris Stollius statuatur hanc febres intermittentes curandi rationem causalem ceteris hujus generis multò latius patere, eamque saltem initio, aut solam aut cum aliis junctam, adhibendam esse (*h*). Nae ergò graviter hallucinari mihi videntur Recentiores isti, qui solis motibus febrilibus refraenandis protinus operam dandam esse, autumant. Rationales enim Medici praeceperant, etiam longè ante hos Novitios, vires naturae ante omnia esse sustinendas moderandasve (*i*); sed et probè sciebant obnormen simul contentorum temperiem esse emendandam. Quotidiana autem Experientia docet et Ratio monet, aperientem cum tonicâ excitante methodum saepissimè jungi debere.

Nec multum hic quaesitu opus est in selectu medicaminum: celebrata enim remedia resolventia, salia puta media, alkalina, volatilia, semivolatilia, saponacea, amaricantia, amara, gummata ferulacea, utrumque propositum scopum, et solido-

---

(*h*) *Aphor.* 443.

(*i*) Quà de causâ jam magnus Boerhavius, vitae viriumque conservationem, inter praecepta Indicationum sua, primo loco posuit vocavitque Indicationem *viralem*; quam autem *sthenicam* Hodierni dicere malunt. Nos verò hanc cum ceteris Indicationibus associari, pro re natâ, posse putamus. Conf. Boerh. *Instit. Medic. Therap.* §§ 1067—1094.

dorum torporem excitandi et vias impeditas aperiundi, ferient, atque aded, si fas sit dicere, unâ eâdemque fideliâ duos dealbabunt parietes. Interim tamen addere iudem liceat:

„ *Est modus in rebus, sunt certi denique fines,*  
 „ *Quos ultra citraque nequit consilere rectum.*”

Quos autem hic determinare fines, longum foret. Provoco potiùs ad Stollium, qui, ubi profint, ubi verò noceant laudata Resolventia, et quibus conditionibus, accuratius determinare satagit (k). De Resolventium autem in his agendi modo, inter varias Medicorum explicationes, ego quidem, quantum hâc in re videre possum, non alienus sum ab illo- rum sententiâ qui ponunt, Resolventium vi potissimùm dy- namicâ solidorum inertiam excitari, imminutamque vasorum cùm sanguiferorum, tùm lymphaticorum instaurari actio- nem (l), quamvis tamen asferere nequaquam velim, omnem ubique actionem directè chemicam, animale[m] tamen, à Re- solventium efficacîa abesse.

§ XI. Transimus jam, *tertio*, ad methodum antiphlogisticam, quam poscat dispositio Intermittentium incitata seu sthenica, considerandam. Quamvis enim rariùs hunc characterem ple- num habeant Intermittentes, non tamen habent prorsus numquam: hunc enim adesse aliquandò posse in corpore ju- niore, sanissimo, plethorico, atletico, etiam per genium epidemicum, tempore auctumnali aut hyemali, id observationes practicae satis docent: ne dicam de congestione et impetu sanguinis ad caput, de inflammatione locali, de calore nimio, aliisque urgentibus phaenomenis, utpote quae omnia curam deprimentem indicant. Quodsi verò ejusmodi dispositio in-  
 flam-

(k) *Aphor. 441. seq.*

(l) Conferri merentur Doct. J. Vosmaer observ. de *Sympath.* pag. 92. Harderov. 1808.



flammatoria febris sublit, tunc, etiamſi corticem peruvianum exhibueris, febris tamen non niſi praemiſſâ curâ antiphlogiſticâ bene cedit (*m*). Conveniunt praecipuè in hoc ſtatu potus reſrigerantes, ſalia media mitiora, acida, largo aquae vehiculo ſumenda, eccoproica, clysmata, regimen frigidum; immò etiam ſanguinis miſſiones in caſu urgente indicantur. Quae verò ſi tempeſtivè adminiſtrata fuerint, febris, niſi ſic jam ſpontè ceſſarit, nunc plenè diſpelli poterit.

§ XII. Atque haec de curâ cauſali ejusque aeſtimatione dicta ſunto; quae quamvis praefertim extra paroxyſmum locum ſuum inveniat, non tamen numquàm ſub paroxyſmo, praecipuè quoad uſum aperientium et reſolventium, inſtitui vel continuari poſteſt et debet. Id quod etiam argumentum praebet contra diſtinctionem ſeveram curationis in paroxyſmo ab eâ quae extra hunc fiat, uti ſuprà (§ 7.) monuimus.

#### B. Cura morbi ipſius, ſeu immediata.

§ XIII. Nunc ergò accedimus ad curam principalem, quâ morbum ipſum directè tollere conamur, ſolvendo nimiam ſtriſturam ſpaſmodicam periphericam cum reactione internâ inſe- quente, quam nempe alternationem his febris ſubefce, earum- que characterem naturalem conſtituere, cum venerando Prae- ceptore Geunſio aſſumimus, quamque ſententiam ſequenti

ca-

---

(*m*) Sic refert cl. apud Philadelphenſes Medicus Benj. Ruſh (in *Medizin. Unterſuch. u. Beobachtungen*. Lipſ. A°. 1792. pag. 200.) non ſemel ſe vidiffe aegros, aſſumptâ fruſtrâ ingenti corticis peruviani copiâ, à detractiõne decem vel duodecim unciarum ſanguinis, febre immediatè liberari. Similem caſum etiam nuperrimè obſervavit expertiſſ. in hac urbe Medicus Wolterbeck, quem mecum amicè communicavit. Aderat nempe in febricitante ſanguinis continua ad caput congeſtio, dum jam pridem ſuppreſſa eſſet narium haemorrhagia conſueta. Inſtitutâ autem venae ſectiõne, febris ſublata eſt.



capite paullo magis illustrare et confirmare dabitur; dum haec obiter annotasse ad dicendorum intelligentiam juvabit.

Ergò in considerandâ directâ hâc curatione ita procedam, ut agam

1<sup>o</sup>. de curatione particulari seu temporariâ morbi ipsius in paroxysmis suis vigentis, praesertim in stadio ejus primo sive frigoris, vel paullo ante hoc eove adventante: ut sic deinde

2<sup>o</sup>. de morbi totius curatione magis universali, praesertim extra paroxysmum, dicere possim. De his singulis jam seorsim.

§ XIV. De curâ *particulari* in *stadio frigoris* vix opus erit monere, convenire hanc cum curâ *praevertente* et *confundente* Stollii (n). Quae si ita instituantur ut cum spasmoparoxysmo peripherico stadii frigoris conflictum ineant, tunc, uti instantem paroxysmum praeventunt, sic quoque eundem jam praesentem possunt confundere, frangere, elidere. Atque haec stadii hujus elidendi methodus jam pridem de meliori notâ commendata fuit. Magnus noster Boerhavius ejusque commentator illustriss. Swietenius suo jam tempore docuerant: „ quod, qui primum tempus et primam causam, „ frigus nempe, superare possit, totum illum paroxysmum „ tollere videretur (o).”

Itaque dum phaenomena demonstrant in frigoris accessu, vel et paullo ante eundem, fibras, carnes et praesertim vascula cutanea et subcutanea in ambitu corporis posita, spasmodicâ constrictione contrahi et cohiberi; rectè utique laudantur remedia quaecunque strictionem illam emolliendo vel solvendo relaxent, si ve talia extus fuerint admota, qualia sunt regimen externum modicè et gratè calidum, fomenta et lotiones tepidae unâ cum frictionibus blandis cutis, nec non spinae dor-

fi

(n) *Aphor.* 447. seqq.

(o) *Comm.* ad *Aphor.* 756. Vol. II. pag. 528.

si (p), item corporis exercitia lenia, viribus adaequata; siue etiam intus administrando quae ad cutaneam diaphoresin disponant, uti vel maximè potius et medicamina simul data diluentia, aperientia, diaphoretica, cutis speciatim functionem instaurantia, excitantia, juncta nonnumquam sedantibus, inter quae praecipuè usus prudens Opii (q), ejusque cum Ipecacuanhâ sociati, juxta cum frictione spinæ dorsî, vel et succussione corporis electricâ (r), in centum veniunt. Immo verò ad hunc locum referri etiam potest applicatio tempestiva pressuræ et strictionum in membris corporis majoribus, ope fasciarum constringentium, quâ nimirum, sanguinis et humorum è vasis membrorum cutaneis et subcutaneis venosis compulsionem obruentem et molestant in cor et vasa majora corporis interiora cohibendo et sistendo, accessum febrilem, ad molestant hanc irritationem sensim insurgentem aut et jam adventantem, inhibere et frangere datur; quod autem auxilium capite sequenti de industriâ considerabitur. Haec ergò de curâ particulari stadii frigoris ejusque effectuum suffecerint.

§. XV. In *stadio caloris et exaestuationis* primum saltem continuanda praecipiuntur laudata modo (§. praec.) remedia, quibus nimirum constrictio illa vasculorum minimorum extremorum ulterius solvatur, et motus circuitusque humorum ultra restituatur et promoveatur. Si verò calor jam nimius, siccus et molestus fuerit, tum cura antiphlogistica indicatur. Tandem *stadium ultimum*, quo, prorsus victo spasmo peripherico, materia perspirabilis, antea retenta, nunc autem in sudorem aucta, pleno rivo per cutim eliminatur, ut plurimum  
nil

---

(p) Conf. Doct. Kuyper, dissertatione *de frictione spinæ dorsî* Traject. A°. 1784. pag. 15. seqq.

(q) Conf. cl. Lind *Diseases of Europ. in hot climat.* Append. à pag. 339. ad 347. et speciatim Hecker *Kurzer Abriss der Therapie.* pag. 250. seq. Berol. A°. 1807. (r) Lind. *Ibid.* p. 172. Edit. Gall.

nîl nisi regimen jam laudatum (§. praec.), paullulùm moderatum imminutumque, et medicationem subindè analepticam, leniter excitantem, indicat. Haecenus de curâ periculâri.

§. XVI. Nunc igitur ordine hic sequitur consideranda *cura* morbi ipsius magis *universalis* (§. 13.), quae, secundum Stollium (s) causâe proëgumenae potissimum opposita, vestigium illud Swietenii, systemati nerveo impressum, deleat; nos autem potius dixerimus, quae spasmodicam affectionem, peripheriam inter et interiora corporis alternantem, tamquam causam febris continentem, tollant vel solvant. Hâc ratione etiam Stollio nervina, aliis antispasmodica dicta est haec curandi methodus.

Quae autem hic in censum venire possunt, remedia commodè in clasfes tres distribui posse nobis videntur.

*Prima clasfis* comprehendat auxilia quaecunque, vires vitales instaurando, spasmus febrilem ferè praeveniant: qualia sunt nutrimenta eupeptâ, analeptica. Forsan et huc referri possit usus Gelatinae, quae nuperioribus his annis, praesertim à Gallo-francis, tantoperè depraedicata est, acsi ipsum quoque corticem peruvianum supplere posset. Etenim, quaecunque ejus sit efficacia antipyretica, haec certè nutrienti ei instauranti, quâ utique pollet, virtuti deberi nobis videretur.

*Altera clasfis* contineat remedia excitantia Tonica, praesertim amara puriora, amaro-salina, amaro-acriuscula et amaroscentia plurima, qualia largâ copîâ benefica ubique exhibet Natura. Ad *amara puriora* referimus Gentianam, Simarubam, Centaureum minus, Columbo, Trifolium aquaticum, Polygalam amaram, Quassiam; ad *amaro-salina* verò Carduum benedictum, Fumariam, Marrubium album, Cichoreum, Taraxacum, scorfoneram, Hederam terrestrem, Arnicam montanâ; ad *amaro acriuscula* denique Helenium sive Enulam, Serpen-

---

(s) *Aphor.* 452.

pentariam virginianam, Cascarillam, Absynthium, Abrotanum, Chelidonium majus et glaucium, Millefolium, Chamomillam vulgarem et romanam, et similia, quae omnia cum vi stimulante tonicâ etiam ferè aperientem et resolventem conjungunt.

*Tertia* tandem *classis* complectatur remedia, titulo magis specificè febrifugorum celebrata, adstringentia puta sive Tonica roborantia, quae ferè cum qualitate sensibili amarescente subaromaticâ conjungunt austeritatem quandam subadstringentem: qualia habentur imprimis Cortex peruvianus ejusque vicaria; de quibus, quoniam potissimùm nostram attentionem merentur, paucis videamus.

§. XVII. Certe in Cortice peruviano, justo tempore, aptâ dosi, idoneâ formâ et praeparatione, justisque conditionibus dato, princeps remedium et optimum inter specifica antifebrilia agnoscere oportet. Interim, rariores, quam communis fert opinio, esse putamus febres, quae usum hujus corticis postulent prorsus necessarium. Quodsi aded Medici divinitus illud quasi missum remedium ad illos tantùm casus reservarent, quibus aliud quodpiam vices ejus obire prorsus non possit; non foret ut hoc tempore de Corticis boni paucitate et pretio aded quereremur.

Quum ergo prudenter incèdere oporteat in usu Corticis peruviani determinando, paucis hujus administrationis delibabimus conditiones.

§. XVIII. Cortice peruviano non est quod uti dubitemus,  
 1<sup>o</sup>. Si quem curandum suscepimus febricitantem, tempore praesertim auctumnali gravius febre plecti videamus;  
 2<sup>o</sup>. Si adsit asthenia universalis cum solidorum laxitate et humorum tenuitate inertî;  
 3<sup>io</sup>. Si adfuerint symptomata valde gravia eaque vitae periculum minitancia, uti sunt somnolentia assidua et sopor sub frigoris accessu, specie comatis, cari, vel et apople-



xiae (r). Etenim nisi tum illicò, vel saltim antequam vi morbi virtutem remedii jam superatam esse, è signis exitiosis constiterit, obicem motui febrili, ipsum encephalum jam adorienti, posuerimus, morbi impetu victus prosterneretur aeger. Si denique

4<sup>o</sup>. morbus aliquamdiù duraverit (nam omnem statim febrem tollere nec datur, nec licet), aut si, sublatâ licet omni causâ, paroxysmus tamen, propter periodicam, universo corpori pertinaciùs inhaerentem, affectionem spasmodicam, continuò recurat et revertatur; tunc utique Cortex in usum vocari vel et continuari debet.

§. XIX. Usum verò Corticis contraindicant et vetant, saltim eundem temperare suadent, nisi aliud alia indicaverint:

1<sup>o</sup> molestae quaecumque fordes primarum viarum quae priùs eliminationem postulent;

2<sup>o</sup>. Congestiones sanguinis praesertim ad caput, diathesis ejusdem inflammatoria; quâ nimirum praesente, ab usu Corticis periculum esse, ne febris in continuam vertatur aut et inflammatio topica inducatur, Practici monent (u).

3<sup>io</sup>. Prouti sudor colliquans usum Corticis aliquandò requirit; ità etiam eundem recusat continua sudoris carentia in paroxysmi fine.

4<sup>o</sup>. Pertinaces denique viscerum abdominalium obstructions sive infarctus Corticem ferè interdiciunt, saltim cum cautelâ adhibendum suadent.

Hac-

---

(r) Collatu hic perquam dignas esse puto *Observationes de febris praecipue intermittentibus*, quas ante hos sexaginta et quatuor annos conscripsit illustris P. G. Werlhoff, insertas operibus ejus medicis, quae collegit et auxit cl. J. E. Wichmann, speciatim sect. 3. § I. pag. 106, seqq.

(u) Reil, in opere suo praeclaro: *Ueber die Erkenntnis und Cur der Fieber. Besondere Fieberlehre*. T. II. cap. 2. § 51. pag. 166, aliique.

Hactenus de praecipuis conditionibus et cautelis in usu Corticis determinando, ab Auctoribus practicis stabilitis, quae tamen, uti facile quisque perspiciat, non omnes ejusdem sunt valoris et observantiae. Adeò verum est, quin aliquid demas, regulam non dari. Atque haec obiter attigisse sufficiat. Ut nunc ad propositum nostrum redire possim.

§. XX. Quoniam autem febres intermittentes, praecipuè quotidianae et quartanae, maximè pertinaces et refractariae aliquandò esse possunt, ut soli Corticis usui auscultare renitentur, jam pridem Medicis solenne fuit alia huic remedia adjicere. Accedit quod et alioquin nimium in hisce febribus dispendium pretiosi illius medicaminis fieri necesse esset. Cui autem aliquo modo ut parcerent, juvantia addiderunt. Ne dicam de combinatione Magnesiaë albae cum Cortice peruviano, aut et de aliis plurimis; paucis abhinc annis magnam famam, etiam apud Nostrates (v), accepit mixtura quaedam ex pulvere Corticis peruviani et Tartrite potassae sibiata cum Syrupo quodam subactâ q. s. ut fiat electarium; quod primum commendaverat cl. apud Gallofrancos Medicus Rich. de Hautefierck (w). Alii, etiam recentiori tempore, à combinatione Corticis cum Muriate Hydrargyri oxydulati, Burferio item laudatâ (x), effectum optatissimum in febribus refractariis quartanis observarunt (y). Et nuperrimè doctiss. Brocx, Medicus nostras, denuò jam pridem laudatam efficaciam Sulfatis aciduli Aluminae, Cortici

pe-

(v) Conf. Disput. chemico-medica de combinatione Cort. peruv. cum Tart. emet., Auctore doct. C. J. Luchtman, defensa Trajecti ad Rhenum. Ao. 1800.

(w) In *Recueil d'observations des hôpitaux militaires*. Paris. Ao. 1766.

(x) In *Instit. Medic. pract.* Vol. I. pag. 259.

(y) Uti videre est apud Hufelandum, in *Journal der praktischen Heilkunde*. Tom. III. pag. 182.

peruviano nupti et formâ pulveris exhibiti, confirmavit (z). Alii alia laudaverunt auxilia (a).

§. XXI. Nec omittere hoc loco possum de præcipuis Corticis peruviani surrogatis quaedam delibare. Scil. præter varias ejusdem species, nuperioribus temporibus commendatas, præsertim Corticem peruvianum rubrum virtute excellentem, regium seu flavum, caribaeum, communem seu fuscum et denique corticem Angusturæ, subindè laudata sunt: cortex Salicis (b), Hippocastani, Cascarillæ (c), Fraxini excelsioris, Quercûs, Caerasi, Taxi baccatae, Liriodendri tulipiferae (d), Geum urbanum, Datisca cannabina (e), Calamus aromaticus (f), et alia plura remedia merè amara, subaromatica vel et adstringentiâ, quorum efficacia, si opus sit, ope juvantium, uti Cascarillæ, vel corticis Aurantiorum, vel succi Catechu, aut et Opii, Valerianæ & s. p. augeri potest. Hisce tandem remediis è Regno vegetabili petitis accedunt Remedia mineralia, qualia sunt Acida Reichii (g), Sulfas acidulus Aluminæ, Sulfas Ferri, Cupri, Zinci (h), Sulfuretum Oxyduli Stibii hydrogenatum (i), Ferrum cum pulvere Myrrhæ nuptum (k); ut de Arsenico, aliisque plurimis taceam, quæ, tam-

(z) In *Hedendaagsch. Vaderl. Biblioth. An. 1809 No. 4. Mengelwerk.* pag. 157 seqq. Ibidem scribit doct. Brocx, se pulveres ex solo sulfate acidulo aluminæ, cum idoneis juvantibus combinato, multo cum successu in febribus intermittentibus adhibuisse.

(a) Conf. Reil, l. c. T. II. Cap. 2. § 51. pag. 174.

(b) Conferri huc meretur Dissert. de *Cortice Salicis albae ejusque in Medicinâ usu, experimentis et observationibus stabilito*, quam, moderante clar. Van Geuns, Ao. 1778. in lucem emisit Doct. P. Konig.

(c) In *Hed. Vaderl. Bibl.* 1808. No. 16. *Mengelwerk.* pag. 710.

(d) Conf. Willdenow *Botanik*, pag. 368. Berol. 1804.

(e) In *Medizin. National Zeitung.* Novemb. 1798. pag. 345.

(f) *Hed. Vaderl. Eibl.* 1808 No. 2. *Mengelwerk.* pag. 62.

(g) *Vom Fieber und dessen Behandlung überhaupt.*

(h) Conf. Duncan *Annals of Medicine for the year 1797.*

(i) Vide Unzer, *der Arzt*, passim.

(k) *Samml. auserl. Abhandl. für prakt. Aerzte.* T. VI. pag. 579.



tamquam maligna pharmaca et periculosae plena aleae (1), mitto, quum et magis explorata et securiora auxilia, largâ satis copiâ, benigna largiatur Natura.

Interim tamen, quaecunque sit omnium illorum Remediorum vis febrifuga, quam determinare non velim nec possum; certo certius constat, post facta viris clarissimis Stonio, Günzio Lipsiensi, Koningio, aliisque tentamina et observationes, corticem Salicis praecipuè albae inter cetera Corticis peruviani Vicaria et Succedanea indigena vi specificè antipyreticâ praeminere. Et testari possum, plus semel hujus corticis efficaciam me confirmatam vidisse in Nosocomio academico nostro, praesertim ubi cum cortice Cascarillae aut cum Calamo aromatico combinatus fuerat: ita ut, nullo interposito Corticis peruviani usu, febres ceserint. Et profectò, quandò valdè laudabile indigenam habemus remedium antipyreticum in cortice Salicis albae, equidem non video, cur ad alia multa confugiamus.

§. XXII. Nunc demùm, in consideratione Curae Februm intermittentium directae, restat ut verbo de remediis quibusdam externis agamus. Quo scilicet nomine hìc indigitamus remedia nervina stimulantia, uti frictiones diligentes praecipuè spinæ dorsi cum linimento quodam nervino volatili (m), fomenta et balnea aromatica calida (n), vesicatoria necnon irritantia alia, etiam ad carpum admovenda (o). Fortè ad hunc locum referri possint Curationes per animi pathemata fortiora percellentia, uti

(1) Conf. meretur Amici integerrimi B. F. Suerman disert. inaug. *de usu Arsenici medico*, quam proximè in lucem edit, Cap. 4. §§. 44 & 45.

(m) Quà de re datâ operâ egit. Doct. Kuyper, disert. inaug. *de frictione Spinæ dorsi*. pag. 15.

(n) quae laudavit Doct. von Schallern, in *Salzb. Mediz. Chirurg. Zeitung*, N°. 26. An. 1798.

(o) Desuper conf. Rush, in *Medizin. Untersuch. und Beobachtungen* pag. 199.



uti per terrorem, iram; effusum gaudium, item vim imaginationis et attentionis exaltatam, immodè per plenissimam de bono eventu fiduciam, per amuleta denique aliave hujus farinae remedia sympathetica.



Postquam praecedentia typis jam commissa erant, clar. Van Geuns ulteriorem notabilem observationem, pro confirmandâ methodi causalis emeticae utilitate (§ 9. Nota g), à laudato Doct. van den Bosch denuò ad se perscriptam, amicè mecum communicavit. Scilicet in Febribus intermittentibus, quae etiamnum, sed minùs frequenter Roterodami grassantur, bis recidivam se vidisse refert Vir doctiss., idque in convalescentibus quibus, ante Corticem datum, Emeticum supra laudatum non exhibuerat; quibus autem quandò nunc Emeticum illud stibiatum propinaverat (quo larga materiae pravae copia, fursùm primò, dein deorsùm, ejecta et porrò sudores provocati fuerunt), et deinceps Corticem administraverat, plena contigit et sine novâ recidivâ sanatio. Quales certè fideles observationes vim et efficaciam Emeticorum praesertim stibiatorum, in multis saltem Intermittentium Epidemiis, confirmare egregiè mihi videntur.



## Caput secundum.

DE CURATIONE FEBRIUM INTERMITTENTIUM  
QUAE FIT MEMBRA CORPORIS MAIORA LI-  
GAMINE CIRCUMSTRINGENDO, DEQUE  
EIUS ADHIBENDI ET AGENDI MODO.

§. XXIII. Quandoquidem homines in cognoscendo len-  
tis et successivis passibus, experienciâ duce, rerum illâ magis-  
trâ, saepè fortuitò progrediuntur; id certè in Re medicâ, ut-  
pote prae ceteris ab experienciâ originem ducente, manifes-  
tissimum est. Hominum enim valetudo, etiam in ratione  
vivendi simplicissimâ et naturae convenientissimâ, quampluri-  
mis exposita est nocumentis, ad quorum effecta, id est mor-  
bos, fortuitò se obtulerunt et empiricè adhibita sunt reme-  
dia, quorum adhibendi modum et vim agendi similibus in  
câsibus experti arbitri idonei, ulteriùs haec animo suo volvendo  
et perpendendo, confirmaverunt.

Luculentum hujus rei exemplum habemus in Remedio feбри-  
fugo simplicissimo, per stricturam membrorum majorum, quod  
ad Febrem intermittentem sistendam et confundendam maximo-  
perè commendavit et ante non multos hos annos cum publico  
prius communicavit experientiss. Chirurgus navalis Britannus  
George Kellie (p).

§. XXIV. De hujus autem Remedii administratione ultrâ  
constat, jam ocùs eam nostris in regionibus apud vulgum  
innotuisse tanquam benè efficax remedium antipyreticum.  
Refert enim idem Observator (q), A°. 1793, appellente quâ  
ve-

---

(p) De quo refertur in *Sammlung auserles. Abhandl. für prakt. Aerzte*, T. XVII. part. I. pag. 78, seqq. Lipsiae A°. 1796.

(q) Ibid l. c.

vehebatur navi ad urbem nostratē Wilhelmopolin, eo tempore à Gallofrancis obsessam, plurimos è classiariis et militibus febribus intermittētibz levioribus correptos fuisse, eosdemque, brevi post assumptum Corticem peruvianum haustumque spiritūs frumentacei juniperati, facillè convaluisse; eodem autem tempore ex naviculario (*lootsman*) se rescivisse, ipsi, aliquandò febre quartanā, eāque vehementiori frigora invadente perque plures durante menses, laboranti fortè fortunā obviam fuisse vetulam quae sibi Remedium hoc, quod efficeret ut frigoris accessus illicò sisteretur ipsaque febris sic elideretur, revelaverat. Administratio autem haec erat, ut ante accessum frigoris circa brachium dextrum et femur sinistrum fasciae tam arctè circumvolverentur, ut sanguinis refluxus sub ligaturis egregiè cohiberetur.

§. XXV. Quod etiamsi feliciter sibi cessasse, in ceteris febris accessibus arcendis, navicularius asseveraret, parum tamen fidei haec medela apud Kellium nostrum obtinere primum potuit, donec, paucis post diebus, institutum bono successu hujus administrationis tentamen in classiario febre tertianā laborante, attentionem ejus et curiositatem ulterius allexerit. Ut adeò exindè plura de industriā instituerit experimenta spem conceptam non fallentia, utque, repetitis frequenter his tentaminibus, in quibus ad efficaciorē membrorum constrictionem, fasciarum loco, torcularibus chirurgicis utebatur, viderit, nunc quinto nunc sexto post appositā torcularia horae minuto, frigoris accessum terminari, adeoque nullum ampliùs de remedii efficacità dubium habuerit, nec potuerit idem tamquam verè efficax febrifugum non commendare: quamquam tamen, quae Viri ingenui est modestia, ulterioribus observationum periculis reliquerit determinare et demonstrare, quousque horum eventus ad perficiendam notitiam curationis et naturae Februm intermittētiū illustrationem inserviturus sit. Prius enim fieri posse, in sequētibz, ut spero, patebit; nec minùs posterius, quum utique, confu-

sionem paroxysmorum, ad Febrem invadentem factam, jam pridem magni habitam usuque confirmatam fuisse, praecedenti capite indicaverim (§. 14.).

§. XXVI. A quo dein tempore membrorum haec constrictione inter Medicos utcumque innotuit, facta hic illuc videntur ejusdem plura pericula, quae etiam efficaciae Remedii confirmandae infervierunt: sic nimirum inter Britannos clarus Chirurgus Veitch, ex Kellii consilio, strisuram membrorum in Febribus intermittentibus instituit bono cum successu, videlicet frigus perpetuò cessavisse tertio à factâ constrictione horae minuto (r). Medicus porò Confluentinus Doct. Wallich annotavit eâdem se operâ felicissimè usum fuisse (s). Immo etiam inter Nostrates, fausto eventu adhibita, haec curandi methodus de meliori notâ commendata est (t). Et reverà effectum hunc non esse imaginatione effectum, plus semel mihi in Nosocomio nostro academico videre licuit, ubi jussu et ductu Profesoris Clinices, venerandi Geunzii, instituta haec administratio feliciter cecit, licet non tam brevi temporis spatio, ac quidem Kellius et Veitchius viderint. De quibus autem tentaminibus postremo capite dissertationis nostrae ex instituto referam.

§ XXVII. Attamen curandi hanc methodum, membra corporis majora ligamine constringendi, novam prorsus non esse, ex Historiâ medicâ discimus; quamquam et Febrium typus, et scopus, quo hujusmodi medicatio fieri solebat, quodammodò differant: idquod obiter hîc monuisse sufficiat. Sic enim suo jam tempore immortalis Boerhavius, ejusque Commentator illustris Swietenius, levem brevemque venarum compressio-

nem,

---

(r) Uti refertur in laudatâ collectione *Sammlung auferles. Abhandl.* 1. c. pag. 82.

(s) In *Medizin. Nationalzeitung*. Mense Julio. A°. 1798. pag. 440. seqq.

(t) In *Letteroefeningen*, N°. 5. An. 1808. *Mengelwerk*. pag. 187. seqq.



nem, alternatim nunc in brachiis, nunc in femoribus, in stadio caloris, ope fasciarum, instituendam et post dimidiam horam solvendam, laudaverunt (\*), ut, siquandò calor febrilis nimium quantum aegrum vexaret et veluti suffocaret, his mitigaretur, praesertim ubi, post repetitas etiam sanguinis missiones, nimius molestusque calor renascebatur, tantaque jam sanguinis còpia subtracta erat, ut, absque vitae discrimine, venae sectiones ulterius repeti non posse viderentur.

§. XXVIII. Hucusque de historiâ strictionis membrorum, ejusdemque efficaciam in accessu frigoris febrilis confundendo. Nunc paucis de adhibendi et agendi modo videamus. Monuimus jam (§. 25), ad constringendas magis magisque corporis extremitates, Kellium adhibuisse torcularia chirurgica, ipsâ febris accessione, vel paulò ante instantis stadium ejus primum. At fasciae linteae satis fortes, quibus in Nosocomio nostro academico uti solemus, eundem prorsus attingere possunt scopum: et, propter applicandi et relinquendi facilitatem, torcularibus praeferendae nobis visae sunt. Ne dicam de timore quem instrumenta chirurgica hominibus nonnullis incutiunt. Et quid opus est instrumentis istis, ubi ligamina simpliciora suffecerint? Addo, venas solas hîc constringendas esse, non arterias, quas tamen torcularia imprimis comprimunt. Quodsi igitur membrorum constrictionis curae subjiciendus sit aeger, praemisâ leni, si fortè opus fuerit, catharsi, jubetur die febrili grabatum suum servare, ibique febris paroxysmum praestolari. Hanc autem jamjam instare, symptomata praegredi solita, lassitudo, dolores quidam capitis, dorsi, lumborum, aliaeque molestiae indicabunt. Quo statu, proximè ad axillam circa brachium alterutrum et femur oppositi lateris prope inguen, vel etiam ad eum locum, cui, in amputatione cruris, supra genu, torcular applicari solet, circumstringantur fasciae, quam arctè id aeger fer-

---

(\*) Conf. *Aphorism.* 691, et *comment.* in hunc locum. T. II. p. 307.

ferre satis commodè potuerit; cavendo interim, ne nimis adstrictae fasciae profundius quàm venae sitas arterias comprimant. Tali enim stricturâ fortiore, quem attingere nitimur, finis, si non penitus, partim certè, irritus fieret. Fasciae autem ad minimum per sex horae minura, quandoque diutius, per horae etiam quadrantem et quod excurrit, si non prius cedat paroxysmus, relinquuntur, nec ociùs tollantur, oportet. Quam administrationem si, fortè infrequentibus frigoris febrilis accessionibus, diligenter repetamus, videbimus, paroxysmos, si non prorsus cessantes, mitiores tamen et breviores fieri et sic sensim imminui. Quâ ratione, etiam non dato Cortice peruviano, remedia amaro-salina, leniter tonica, solventia vel aperientia vulgò dicta, febris abactionem adjuvare solent. Addimus autem, ex consilio doctiss. Wallichii (v), in frigoris accessu si aeger à potu calido abstinerit, frigidum verò in statu caloris adhibuerit, haud parum hinc emolumenti capi posse. Atque haec de adhibendi modo dicta suffecerint.

§. XXIX. Ut autem stricturae membrorum agendi rationem, in confundendo sistendoque Febris paroxysmo, utcunque intelligamus; ex probabili prae ceteris, uti nobis quidem videtur, Febris theoriâ, ab illustri Fr. Hoffmanno assertâ et ulterius extricatâ (w), cui calculum suum, cum aliquâ saltem

mo-

---

(v) Conf. l. c. *Medizinische Nationalzeitung*.

(w) In *Medic. rat. systemat.* IV. part. I. Proleg. de Febr. natura §§. 3. 4. et 6. et pluribus locis aliis. Scilicet, ante H. J. Regam (*De Sympathiâ*, Cap. XII. pag. 138. Edit. An. 1739), Boerhaavii vestigiis (*Aphor.* 581 et 583.) insistentem, celebrem itidem Belgam, celebratissimus Fr. Hoffmannus de industriâ monuit, duplicem in Febre motum associari, primum qui fluida vitalia compellat à corporis peripheriâ ad centrum, sive interiora, in stadio frigoris, alterum verò, qui hunc proximè sequitur, oppositum, qui nempe à centro ad peripheriam, sive corporis exteriora, vergat. Horum autem motuum, quorum concursus Febrem constituat, causam fundamentalem sive formalem, ipsi dictam, quaerendam esse statuit in spasmodicâ universi generis nervosi et fibrosi affectione, quae successivè ab exterioribus ad in-

modificatione, adicere non dubitavit Praeceptor aestumatisissimus noster Geunsius, adduxisse juvabit: frigus, gravissimum illud symptoma, quo febris vim suam naturae inimicam exserit, exhibere stadium constrictionis spasmodicae periphericae, quo, constrictis violenter vasculis fibrisque cutaneis et subcutaneis, sanguinis flumen quâ data via compellatur in venas majores, ipsum jam cor mole suâ impediturum et oppresurum, nisi sua sibi consisterit Naturae vis et robur, ut, provocatâ, ex conflictu cum hoc hoste, reactione et exaestuatione, spasmus illum periphericum superet et vincat. Quae si rectè perpendantur, perspicietur quid, injecto artubus ad frigoris accesum ligamine, fiat. Quum enim vascula venosa magis versus exteriora seû corporis peripheriam sunt posita, quàm arteriosa, impeditur hâc constrictione cutaneâ, quò minore copiâ et impetu in majores venarum truncos, ad cor tendentes, sanguis possit refluere, neque adeò tantâ molestiâ cor ipsum obruere, illudque in justo frequentiores et vehementiores contractiones ciere, libero intereâ sanguinis arteriosi à corde in extremitates affluxu.

Quantum autem usum habeant ejusmodi ligaturae membrorum corporis majorum, in exorbitante sanguinis, à peripheriâ ad interiora corporis compulsi, flumine sistendo, docent etiam Haemorrhagiae, quae injecto iidem ligamine inhiberi quandoque solent. Et, si porrò à simili inductionem efformare liceat; valdè notabilem ligaturarum utilitatem videmus apud Epilepticos, quibus quandoque, cum sensu formicationis, ab artuum extremis incipientis, sicque, sensim adscendendo, ipsam arcem sys-

te-

---

interiora tendat, et è medullâ spinali maximè procedat; quod ultimum nos viro illustri relinquimus. De hâc Febris theoriâ, Naturae veritati maximè, non verò adeò celeberrî. Culleni opinioni (*Prim. Lin. Prax. Med.* Cap. II. à §. 32. ad §. 47.), consentaneâ, ulterius conferri merentur quae hâc de re disputavit diligentissimus olim Geunsi nostri discipulus, doctiss. Paullus Feriet, in Disquisitione inaugurali quâ *Febris natura et causae Recentiorumque, imprimis Culleni, sententiae expenduntur.* Harderovici, A°. 1785.



tematis nervei impugnantis, aura veluti frigida instantem mox paroxysmum annunciat: qui tamen, injectâ quantociûs, supra fornicationis locum, ligaturâ, non raro arceri et fisti visus est (x). Quin immò et leves brevesque crurum ligaturas, venis majoribus determinatas, apud Apoplecticos profuisse legitur, solas venas comprimendo, non arterias, adeoque impetum sanguinis versus caput imminuendo (y).

§. XXX. Atque haec (§ praec.) pulcherrimè cum nostrâ Febris ejusque curationis, de quâ agimus, theoriâ convenire, et ad eandem confirmandam et illustrandam inservire posse putaverim. Febrem enim quum, bonâ ratione edocti, assumimus, spasmodicâ invadere affectione universi corporis, potissimum vasculorum minimorum; in ejusdem peripheriâ sitorum, constrictione et frigore cutaneo se manifestante, docentibus id omnibus in frigoris stadio phaenomenis; pronum est concludere, inductam ope ligaminum, elisionem et confusio- nem paroxysmi febrilis contingere debere per spasmi primi febrilis cohibitionem illam et dissipationem.

---

(x) Ad hunc locum conferri merentur quae habet illustris Swietenius, *Commentar.* T. III. pag. 423. ibid. 433,

(y) Ibid. pag. 297.





## Caput tertium.

DE NOSTRIS FEBRES INTERMITTENTES, PER  
MEMBRORUM MAIORUM CIRCUMSCRIPTIO-  
NEM, CURANDI TENTAMINIBUS, RELA-  
TIO, CUM PAUCIS COROLLARIIS.

§ XXXI. Superest denique tertium, idque imprimis momentosum, propositi nostri (§. 4.) pensum, quo de curationis, proximo capite expositae, efficaciam, factis autem in Nosocomio academico nostro tentaminibus exploratam, jam referam. Scilicet, à quo tempore relatio de Febrium intermittentium, per membrorum majorum circumscriptionem, curatione (§. 23.) ad notitiam paucos ante hos annos pervenit clariss. Van Geuns, medendi hic modus, ob rationes modò expositas, Praeceptoris' allexit attentionem, censentis, ne anilia quidem, siquid boni polliceantur fructus, remedia vilipendenda, at potius, datam opportunitate, rectè explorari digna esse. Itaque cum Discipulis communicatam hanc administratione suamque de eadem opinione, tentamina curationis hujus, in Nosocomio nostro, non ita multò post institui Vir clariss. curavit. Sic priores mox describendae, tempore isto et proximè insequente, enatae sunt observationes, quae, etiamsi non protinus ad plenam praecepti normam, ob administrationis insolentiam, administratae fuerint, eventus tamen talis fuit, ut ad novas, idoneo tempore academico, hujus generis administrationes denud instituendas Praeceptorem aeternatissimum compelleret. Quum ergò operam hanc, comitatu Medici academici, expertissimi Wolterbeek, avidè et ad institutum meum appositè, in me susceperim, de nuperioribus his Observationibus nostris, post priores à Medico academico ex Nosocomii nostri Diario benevolenter mecum communicatas,

annotata etiam mea exhibeo, Corollaria addens pauca, de iis quae ex tentaminibus his omnibus in Artis usum hactenus disci posse mihi visa sunt, speranti fore, ut haec quoque, utpote à juvene, arte faciendâ nondùm exercitato, profecta, Artis Peritorum animo accipiantur benevolo.

## OBSERVATIO I.

A<sup>o</sup>. 1806. Mense Aprili.

Jan Elias, viginti annorum, corporis constitutione sanus, gracilis tamen, nativitate Traiectinus, vitae genere Miles.

Post febrem intermittentem, anno superiore aliquamdiù passam, vixit benè sanus, donec, post versationem in aëre humido et frigido, à Martio Mense nupero, febre denuò correptus, Nosocomio receptus est.

Febris typo tertiana, minùs regularis, mox quartana, denuò tertiana. Extra paroxysmum sat benè valet, at alvus tardior, digestio non optima; quibus medicatione congruâ emendatis, mansit tamen febris tertiana, frigore et tremore vehementi pertinax, nec solventibus, tonicis, excitantibus vel quicquam cedens. Ergò fit

Die 16. *Aprilis* tentamen primum circumstrictiōnis, ad febrem adventantem applicatae, perque paroxysmum ferè relictae, at sine effectū notabili.

Die 18. febris accessus solitus. Circumstrictiō praetermissa.

Die 20. horam ante accessum nunc applicata circumstrictiō. Sub accessu frigus vix notabile et horror levis, pulsu liberiore, minùs incitato.

Die 22. circumstrictiō tempestivè administrata. Hodie, die *febrili*, febris non observata, pulsus perpetuò moderatus, liber, sine celeritate. Ceterum benè valet, appetit, dejicit, alvo tamen duriore: at, indè à die 17, *apyreto*, horroris et frigescentiae insolita quaedam sensatio. Et

Die 23. aliàs *apyreto*, accessus febrilis, regulariter per tria sta-

stadia decurrens, apparuit, idque maturius solito, decursu ab horâ matutinâ ix. ad iv. pomeridianam.

Dies 24., aliàs *febrilis*, nunc sine omni febre. Circumstrictio facta tempestivè.

Die 25., aliàs *apyreto*, nunc febris accessus, similis solito. Circumstrictio facta, ut heri.

Die 26. *febrili*, nulla febris.

Die 27. *apyreto*, febris accessus ferè solitus: horror minor, frigus molestum, calor et sudor soliti.

Die 28. *febrili*, sine ullâ febre, pallescens tamen, reliqua benè.

Die 29. *apyreto*, febris accessus ab horâ x. ad iv., frigus minus, brevius, desinens in calorem et sudorem. Circumstrictio denuò facta.

Die 30. *febrili*, nulla observata febris.

Die 1. *Maji*, *apyreto*, horâ x. matutinâ febris, at mitior in omnibus stadiis et citius desinens.

Die 3. *apyreto*, eâdem horâ ac nudiustertius, accessus febrilis, multò tamen mitior et brevior. Circumstrictio facta.

Die 5. *apyreto*, horâ ix. accessus febrilis, mitis et sine horrore.

Die 6. *febrili*, benè valet. Jam, experiundi et observandi causâ, non ulterius applicabuntur constrictiones, neque dantur febrifuga ulla vera.

Die 7. *apyreto*, ferè ut nudiustertius, immò vix ulla molestia. Scabies autem ultrò erumpit.

A die 8. ad 11. benè habet, immò optimè, levis tamen subindè febricitatio. Ceterum nulla molestia: at scabies ulterius se prodit.

A die 12. ad 15. omni febre liber, habitu omni emendato et valente rectè. Ad scabiem nunc demùm, ut è Nosocomio demitti queat, Linimentum antipforicum et pulveres mites.

*Notanda quaedam ad hanc Observationem.*

1°. A quo tempore et quoties circumstrictio applicata rectè fuit,

fuit, accessus febriles mitescere incepere et sensim, tertio die febrili, filere. Ità verò,

2°. ut, ferè ab initio, diebus apyretis accessus febriles primum veluti minari visi sint, postea verò prodere febrem veram, à pristino die febrili transpositam in diem apyretum pristinum.

3°. Transpositi etiam hi accessus constrictionibus sensim sensimque ceserunt, et siluerunt ad quintam ferè circumstrictionem, accessibus utcumque anticipantibus, cum mitescentiâ.

4°. Nocivi effectus nulli ab hâc circumstrictionum administratione observati hîc videntur.

5°. Tempus applicationis cujusvis ante effectum non notatum.

6°. Cedente et silente sensim febre, suppressum, uti videtur, exanthema scabiosum indies magis magisque propullulare coepit.

## OBSERVATIO II.

A°. 1807. Mense Aprili.

Antony van Emmerik, 23. annorum, corporis constitutione ante ferè perpetuò sanus, habitu tamen gracilis, staturâ satis subitò in longitudinem extensus, subindè narium haemorrhagiae obnoxius, nativitate Trajectinus, vitae genere Onerarius.

A refrigerio, valdè aestuante et sudante corpore, perspiratio cutanea suppressa, hinc febre laborans intermittente, à Martio Mense in Nosocomium assumptus.

Febris typo primum tertiana, mox quotidiana, minùs regularis, denuò tertiana qualiscunque. Extra paroxysmum sat benè valens, alvus tamen tardior.

Medicationi generali, solventi, tonicae, excitanti Febris non multò post cesit, donec, post liberum aliquot dierum intervallum, accessus improvisò redierint febriles, iique nunc quotidiani, repetitis solventibus, amaro-tonicis, excitantibus nequicquam cedentes. Ergò fit

Die



die *febrili principali*, 25. *Aprilis*, in hoc homine, valdè attempuato et pallido à diuturnitate morbi, eodemque ad sudorem maximè proclivi, tentamen primum circumstriktionis, ad febrem adventantem institutae, perque paroxysmum ferè totum relictæ.

Ab horâ matutinâ xi. cum quadrante ad xii. frigus solito multò brevius; pulsus item minùs contractus, sine notabili celeritate. Post febrem sudor copiosus; hinc languor et debilitas universalis.

Die 26. *febrili intercidente*, antehàc *apyreto*, febris admodum brevis, horâ dimidiâ post i. pomeridianam adveniens. Circumstriktio facta tempestivè.

Die 27. *febrili principali*, circumstriktio denuò administrata. Horâ post x. dimidiâ frigus brevissimum, plenus mox calor et sudor denuò valdè copiosus.

Die 28. *febrili*, antehàc *apyreto*, febris accessus horâ i. pomeridianâ levior, frigus vix ullum, nec pulsûs acceleratio manifesta, sudor nocturnus copiosus. Circumstriktio instituta fuit tempestivè.

Die 29. *febrili principali*, horâ xi. matutinâ accessus febrilis, at mitior in omnibus stadiis et citiùs desinens; pulsus vix acceleratus, nec multùm contractus. Sub febre aliqua tusis et oppressio pectoris. Circumstriktio applicata.

Die 30. *febrili*, antehàc *apyreto*, denuò circumstriktio, tempestiva. Vera febris non observata, nisi levior circa horam pomeridianam vi. molestia lumborum, cum aliquâ horripilatione, citò in sudorem terminatâ.

Die 1. *Maji*, *febrili principali*, horâ pomeridianâ i. accessus febrilis mitis, frigus vix ullum, sudor autem copiosus. Circumstriktio facta.

Die 2. *febrili*, aliàs *intercidente*, nulla febris observata. Circumstriktio tempestivè administrata.

Die 3. *febrili principali*, horâ ipsâ meridianâ, levior accessus febrilis, horripilatione levi, molestiâ aliquâ lumborum,

E

ce:

cephalalgia, tussi sicca cum respirandi quâdam difficultate, se prodens, mox verò in sudorem largum terminatus.

Diebus 4. 6 et 8. *apyretis*, benè; immò optimè, habet, ceterùm uti die 2. Maji.

Diebus 5 et 7. *febrilibus*, aliqua levior febris, uti die 3. Maji.

Die 9. *febrili*, uti praec. diebus. Injunctae tempestivè ligaturae. Horâ v. pomeridianâ levisimus accessus febrilis; ceterùm optimè valet.

Jam, experiundi causâ, circumstrictiones non ulteriùs fient, nec remedia nisi, quae antea jam data erant, solventia, tonica, excitantia dabuntur.

A die 10. ad 15. *Maji*, nulla prorsus febris. Habitu corporis emendato, rectè valet, benè appetit, dejicit, nocte minùs sudat; attamen superstes aliqua tussis. Ad tussim nunc demùm, ut Nosocomium relinquere possit, leniter demulcentia porriguntur.

*Notanda quaedam ad hanc Observationem.*

1°. A quo tempore febris tertiana, qualis erat initio, quotidianae formam nacta est, accessus ejus mitiores fuere. Ità verò,

2°. ut accessus febris intercidentis mitiores brevioresquè esse visi sint, quàm febris principalis.

3°. A quo autem tempore ligaturae quotidie injectae fuere, accessus febriles magis magisque mitescere, et sensim prorsus filere. Ità tamen,

4°. ut accessus intercidentes febriles jam ad tertiam constrictionem, principales autem saltim ad octavam, siluerint.

5°. Febris intercicens planè aliam, quàm febris principalis, toto morbi decursu, servavit periodum, utraque ut plurimum postponens, cum mitescentiâ.

6°. Quantò magis indies frigus febrile, post circumstrictionem, imminuebatur, tantò copiosior subsequi hic sudor observabatur.

7°.

7°. Nocivi effectus nulli, ab hac administratione, in hoc aegro observati videntur.

8°. Tempus applicationis ligaturae cujusvis, ante effectum observatum, non notatum est.

9°. Denique notandum, à quo tempore (Mense Martio) in Nosocomium assumptus fuit aeger ad morbi usque finem copiosius in urinâ sedimentum observatum fuisse.

### OBSERVATIO III.

A°. 1808. Mense Majo et Junio.

Philip Bormans, 24. annos natus, corporis constitutione satis robustus, firmusque, cholericus, nunc autem oris colore minùs sano, flavescente tunica oculi albuginea. Natione Gallo-brabantus, vitae genere famulus cereviliarius.

Post versationem, uti videtur, in aëre humido et frigido, febre, a Martio Mense nupero, laborans intermittente, Nosocomio receptus est.

Febris typus quotidianus, primùm satis regularis, postea minùs. Frigoris accessus, isque valdè vehemens et diuturnus, nunc anticipans nunc postponens, initio ut plurimum morbi non insequuto calore qui frigori responderit, nec ullo sudore. Extra paroxysmum sat benè habet, lingua pura, appetitus naturalis, nulla alvi tarditas, sordes nullae. Idcirco, dùm nihil contraindicaret, factum est,

die 29. *Maji*, primum statim circumscriptionis tentam en diù ante febrem adventantem administratae, perque bihorium et quod excurrit relictae. Frigus ab horâ ix. ad x., calor non notabilis, sudor tamen post febrem solito copiosior.

Die 30. frigus semihorâ tardiùs adveniens, per horam minùs, cum sensatione ingrata membrorum majorum et tremore levi. Febris ceterùm per omnia stadia citiùs decurrit, Circumscripcio denuò facta.

E 2

Die

Die 31. febris eodem tempore ac heri, at majore symptomatum vehementiâ: frigus vehementius, calor major, et sudor post febrem largus. Circumstrictio applicata.

Die 1. *Junii*, horâ matutinâ viii. facta iterum circumstrictio; horâ ix. aliquis dolor capitis, molestia lumborum aliaque symptomata praegredi solita; febris autem vera non nisi horâ circiter xi: frigus ferè nullum, cum levi tremore, mox calor cum pulsu admodum duro et tenso; respirandi difficultas et tussis valida, cum febre decresciente sensim cessantes.

Diebus 2. 3. 4. sesquihoram ante febris accesum institutae circumstrictiones. Febris iterum horâ circiter xi., frigus mite et admodum breve, pulsû saltem parum contracto. Calor verò molestus, ob tussim praesertim vehementem et siccam cum perpetuâ respirandi difficultate et anxietate. Pulsus valdè durus et celer; post febrem sudor copiosus, at ab aegro, aëri aperto citius se exponente, neglectus. Indicatur V. S., crastino die instituenda.

Die 5. praeter exhibitam mixturam refrigerantem, demulcentem, instituta horâ matutinâ x. sanguinis missio Unc. sex; sanguis missus, brevi post missionem, maximam partem notabili pelle phlogisticâ tectus; serum parcum, flavescens. Circumstrictio hodiè praetermissa. Febris minus regulariter decurrens, calor autem citò adveniens, cum aliquâ symptomatum inflammatoriorum mitescentiâ. Circa vesperam larga sponte naturâ haemorrhagia narium, repeti jussam V. S. praevertens. Haemorrhagia interim, per noctem proximam usque in primum mane sequentis diei, protracta, itaque enormis, ut arte cohibenda visa sit.

Die 6. pectus magis liberum, at veriginis sensus et languor, pulsus debilis, facies aliquantum collapsa. Febris autem vera hodiè non observata.

Die 7. horâ matutinâ iii. accessus febrilis. Frigus solito validius. post frigus calor et sudor prorsus enormis, cum pulsu pacato, non celeri, nec duro. Debilitas ingens, dolor in  
in.



inspirando, ferè ad ultimam costam veram lateris sinistri, et tussis sicca remanent; ad quam demulcentia et lenientia data.

*Diebus 8. 9. 10. 11. et 12.* ab omni febre prorsus liber; respiratio facilis, tussis minor, expectoratio nulla; appetitus bonus, alvus regularis, omniumque symptomatum imminutio, statum reconvalescentiae indicant. Quo statu, Nosocomium clam deseruit homo: ita ut de ulteriore eventu non constiterit.

*Notanda quaedam ad hanc Observationem.*

1°. A quo tempore et quoties circumstrictio benè administrata fuit, accessus febriles sensim mitescere coepere: ita ut

2°. ad octavam circumstrictionem ferè prorsus ceserint et siluerint, uno saltim accessu, sat valido, adhuc insequuto, dum praegressi fuerint postponentes, et simul mitescentes.

3°. Quantò magis indies frigus febrile, à factâ circumstrictione, imminuebatur, tantò copiosior subsequutus est sudor.

4°. Nocivi effectus nulli à circumstrictione hìc observati sunt.

5°. Ligamina tamen hìc paullò diutiùs relictà fuisse videntur.

6°. Porro notandum hìc videtur, in stadio frigoris, cum ante, tum etiam post circumstringendi tentamina, manifestam extremitatum praesertim inferiorum frigescientiae sensationem fuisse, dum reliquum tamen corpus rectè caluerit.

7°. Denique notamus, hanc etiam Observatione confirmari, curam antiphlogisticam in Febre intermittente quandoque esse necessariam. Conf. quae plura §§. 8. et 11. animadvertimus.

OBSERVATIO IV.

A°. 1808. Mense Majo et Junio.

Gerrit Schryver, juvenis plebejus, 16 annorum, corporis constitutione sanus, gracilis tamen, nativitate Trajectinus.

Actuante et valdè sudante corpore manifestam perspirationem

nis cutaneae suppressionem passus, ab initio Maji febre laborans intermittente, in Nosocomium assumptus est.

Febris typus est tertianus, valdè irregularis. Extra accessum febrilem rectè quidem valet homo, cum indiciis tamen malarie digestionis pravacque in primis viis collectae materiae, quibus autem medicatione congruâ emendatis et depuratis, mansit tamen febris tertia a. Ergò fit,

die 30. *Maji, febrili*, tentamen primum circumstrictionis, horam ante febris accessum administratae, perque bihorium ferè relictæ. Horâ matutina  $x\frac{1}{2}$  febris solito mitior, brevis; frigus per unam circiter horam mite, calor modicus, et sudor post febrem blandus.

Die 31. *apyreto*, horâ pomeridianâ  $iii$ . ab omni febre non prorsus liber; aliqua saltim pulsus acceleratio. Ceterum benè valet, appetit, dejicit.

Die 1. *Junii, febrili*, febris accessus, at mitior, breviorque solito, decursu ab horâ ferè  $xii$ . ad  $iii$ .; frigus vix ullum, calor et sudor placidi. Circumscriptio denuò instituta horam ante accessum.

Die 2. *apyreto*, ab omni immunis febre, benè habet.

Die 3. licet *febrili*, nulla tamen febris observata. Circumscriptio facta tempestivè.

Die 4. *apyreto* nulla febris, benè valet.

Die 5. *febrili*, circumscriptio tempestiva. Horâ matutinâ  $x$ . aliqua lassitudo et sensus frigoris febrilis, brevioris autem et citò in calorem desinentis; post febrem sudor largior usque ad horam pomeridianam  $iv$ .

Die 6. *apyreto*, sine omni febre, optimè valens.

Die 7. *febrili*, accessus admodum irregularis, ab horâ matutinâ  $iii$ . ad  $xii$ .: frigus solito majus, per horam, mox desinens in calorem longiorem; sudor tamen non notabilis. Propter anticipationem paroxysmi febrilis, hodiè circumscriptio administrata non fuit.

Die 8. *apyreto*, post largam hâc nocte sudationem, hodiè nulla molestia. Scabies autem jam sponte erupisse observatur.

Die

Die 9. *febrili*, praetermissa circumstrictio. Horâ vii. matutinâ accessus febrilis, at perquam mitis perque omnia stadia citò decurrens.

Die 10. *apyreto*, à meridie aliqua frigoris et caloris alternatio, levior breviorque, cum dolore capitis et molestiâ lumborum. Scabies autem prodire pergit.

Die 11. *febrili*, horâ matutinâ viii $\frac{1}{2}$  febris mitis et sine horrore; sub frigore autem aliqua nausea et vomitatio, extra paroxysmum non observata. Semihoram ante febrem adventantem facta erat circumstrictio.

Die 12. *apyreto*, sat benè habet, excepto aliquo languore.

Die 13. *febrili*, horâ matutinâ viii $\frac{1}{2}$  accessus febrilis mitis, frigus vix ullum, calor et sudor non notabiles. Jam, experiundi et observandi causâ, non ulteriùs applicabuntur fasciae, nec medicamina exhibebuntur antipyretica ulla vera.

A die 14. ad 21. omni febre liber, et, habitu prorsus emendato, optimè habet. Ad scabiem nunc demùm congrua exhibentur remedia, ut è Nosocomio dimitti queat. De ulteriori eventu nîl annotatum.

*Notanda quaedam ad hanc Observationem.*

1°. A quo tempore et quoties circumstrictio rectè instituta fuit, accessus febriles mitescere incepere et sensim à tertio die febrili filere. Ità verò,

2°. ut, diebus apyretis, subindè accessus veluti febriles se effèrre visi sint; donec

3°. omnes demùm accessus, nunc postponentes, nunc anticipantes, sensim sensimque ceserint et siluerint, ad sextam ferè circumstrictionem.

4°. Nocivi effectus ab his circumstringendi tentaminibus observati hîc non videntur.

5°. Attamen tempus cujusvis deligationis diutiùs protrahum fuisse videtur.

6°. Fraetis denique sensim febris viribus, suppressa pridem, uti videtur, scabies veluti è laubulo magis magisque prodire coepit.

## OBSERVATIO V.

A°. 1809. Mense Majo.

Andries Lawen, Juvenis 20 annorum, constitutionis tenerioris et gracilis, narium haemorrhagiae subindè obnoxius; nativitate Trajectinus, vitae genere opifex aerarius.

Hucusque hic benè sanus vixerat, donec, post versationem in aëre humido et frigido, tempore vespertino denudato aestuante et sudante corpore, simulque diaetae errorem, à die 28. Aprilis nuperi, febre correptus intermittente Nosocomio receptus est.

Febris typus tertianus, minùs regularis, mox quotidianus, dennò tertianus. Tempore apyrexias satis benè habens; at dolor adest in fronte subindè obtusus, pertinax, digestio item non optima, lingua veluti bysso flavescente obducta. His autem vitis medicatione idoneâ emendatis, mansit tamen febris tertiana, frigore et tremore vehemente perque bihorium durante pertinax, cum pulsu debili, maximè contracto, respiratione difficili et anxîâ, dolore capitis ingenti et tinnitu aurium, medicationi solventi, excitanti, tonicae nequicquàm cedens. Institui igitur ipse,

die 12. *Maji, febrili*, tentamen primum circumstriktionis, ad ipsum accessum febrilem, cum frigore et tremore concutiente, vehemente, horâ matutinâ ix. invadentem, applicatae, perque horae minuta sex reliquae. Abhinc frigus perceptum vix notabile, mite per horam, calor intensus cum siti magnâ, sudor autem post febrem copiosus ad horam usque ii. pomeridianam.

Die 13. *apyreto*, horâ matutinâ x $\frac{1}{2}$ ., inopinatim febris se prodit intercidens; frigus vehemens per bihorium circiter, dein calor, at tanto frigori non respondens; sudor autem largus ad horam



ram usque II. pomeridianam, pulsū aequabiliore, minùs incitato, capite magis libero. Ceterùm benè habet, appetit, dejicit. Ob inexpectatum hodiè febris adventum, circumstrictionem administrare non potui.

Die 14. *febrili principali*, horâ matutinâ IX $\frac{1}{2}$  febris mitis cum levi horripilatione, vix ultra  $\frac{3}{4}$  horae durantē, calor solitus, at sudor solito copiosior usque ad horam pomeridianam I $\frac{1}{2}$ , pulsū liberiore, sine celeritate. Nunc ipso accessu febrili denud factum tentamen circumstrictionis, per minuta horae duodecim relictæ.

Die 15. *febrili intercidente*, aliàs *apyreto*, iterùm accessus febrilis, ut nudius tertius, at mitior, horrore levi per horam, calore intenso et sudore copioso ad horam usque II. pomeridianam, pulsū tamen aequabiliore. Circumscriptio, uti heri, tempestivè administrata fuit.

Die 16. licet *febrili principali*, nullum tamen febris indicium, bonâ valetudine. Propter febris absentiam circumscriptio hodiè non facta.

Die 17. *febrili intercidente*, horâ matutinâ X $\frac{1}{2}$ , adventante denud febre, ligaturae injectæ, perque horae quadrantem relictæ. Frigus vix ullum, brevissimum, mox calor, et sudor insequens copiosus.

Die 18. *febrili principali*, accessus febrilis mitissimus, ut heri. Circumscriptio tempestiva, per  $\frac{3}{4}$  horae relictæ. Jam, experiundi et observandi gratiâ, ratum mihi visum est à ligaturis prorsus abstinere, neque ulla remedia nisi solventia,onica, excitantia adhibere, seu potius continuare.

Die 19. *febrili intercidente*, vix ulla febris; benè habet.

A die 20. ad 24. *Maji*, rectè se habet homo; levis tamen subindè febricitatio. Ceterùm nulla molestia, nisi dolor aliquis ventris continuus et plurimus de nocte sudor.

A die 25. ad 31. *Maji*, omni febre liber, optinè se habet habituque corporis emendato et restitutâ bonâ digestionē, benè sanus Nosocomium reliquit.

*Notanda quaedam ad hanc observationem.*

1°. A quo tempore et quoties circumstriktionem applicui, accessus febriles mitescere incepere et sensum, tertio die febrili, filere. Ita verò

2°. ut, statim ab initio, diebus apyretis, accessus febriles non modò annunciare se visi sint, sed et prodere febrem veram, postea à pristino die febrili transpositam in diem apyretum pristinum.

3°. At transpositi hi etiam accessus brevi circumstriktionibus cedere, immò filere visi sunt omnes, ad quintam ferè circumstriktionem, postquam accessus nunc pospositi, nunc anticipantes fuerint, cum mitescentiâ.

4°. Quanto magis indies frigus febrile, post circumstriktionem, imminuebatur, tantò largior subsequutus est sudor.

5°. Nocivos ab hâc administratione effectus non observavi ullos.

6°. Tempus applicationis ligaminum sensim protrahendo, effectum quoque febrifugum manifestiorem fuisse notavi.

## OBSERVATIO VI.

A°. 1809. Mense Majo.

Jan Lorette, Juvenis 21. annorum, constitutionis satîs firmæ, staturâ autem, incremento præcoci, in longitudinem extensâ, nativitate Trajectinus, vitæ genere Nauta.

Post febrem quartanam, dein quotidianam, ante paucas hasce hebdomades, aliquamdiù passam, remediis idoneis tandem superatam, vixit benè sanus, donec, post refrigerium subitum, febre denuò correptus intermittente sub finem Mensis Aprilis, Nosocomio assumptus est.

Febris typus primùm quotidianus, satîs regularis, mox tertianus, denuò quotidianus qualiscunque.

Extra paroxysmum sat benè habet; sensus tamen tensionis  
et

et rofionis circa umbilicum, sub febre auctus, cum acidâ subindè regurgitatione. His vitiis medicatione congruâ emendatis, mansit tamen febris tertiana, frigore diuturno et tremore vehementi pertinax, nec medicinâ solvente, tonicâ, excitante vel quicquam cedens. Feci igitur,

die 11. *Maji febrili*, tentamen primum circumstriktionis, apparentibus instantis jamjam febris prodromis applicatae, perque horae minuta sex relictæ, cum bono effectu. Etenim horâ pomeridianâ 11., h. e. mox à circumstriktione, frigus mi-te per horam, calor vehementior solito, et sudor post febrem largus usque ad horam v.

Die 12. *antè febrili*, nunc *apyreto*, sine omni febre benè habet.

Die 13. *febrili*, ferè ut nudiustertius. Accessus febrilis mitior, sine horrore, calor et sudor soliti. Circumstriktio denud ad febrem adventantem administrata perque decem horae minuta relictæ.

Die 14. *apyreto*, circa vespèram vaga aliqua horripilatio, cirò evanida. Ceterum hodiè benè habuit.

Die 15. *febrili*, paulò ante accesum febris, injeci ligaturas, easque per horae quadrantem reliqui. Iterum horâ pomeridianâ 11. febris, mitissima tamen in omnibus stadiis et citius decurrens, at nocte hac plurimus sudor.

Die 16. *apyreto*, benè habet; horâ 111. tamen lenissima quaedam febricitatio, mox evanida. Circumstriktio non facta.

Die 17. *febrili*, horâ 11½. pomeridianâ accessus febrilis, ferè ut nudiustertius; at sudor copiosus ad horam circiter vii. usque. Circumstriktio tempestivè, ut antè, administrata est. In posterum jam prætermittentur circumstriktiones, neque ulla exhibebuntur febrifuga vera.

A die 18. ad 24. *Maji*, nulla febris; ne levisima quidem horripilatio vespertina, nisi bis terve, alternis primis diebus à prætermisâ circumstriktione, at nunc medicationi tonicæ, excitanti mox cedens.

A die 25. ad 31. *Maji*, omni febre liber, habitu corporis

prorsus emendato, satis benè valet: attamen, antequam è Nosocomio dimitteretur, per dies adhuc aliquot usu leniter excitantium, tonicorum amarorum perrexit, ut organa digestionis debiliora roborarentur.

*Notanda quaedam ad hanc observationem.*

1°. A quo tempore et quoties ligaturas applicui, accessus febriles mitescere coepere et sensim prorsus silere. Ità verò

2°. ut, ferè ab initio, diebus apyretis, accessus febriles levisimi, veluti intercidentes, se prodiderint.

3°. Intercidentes etiam hi accessus unà cum principalibus, ad quartam ferè circumstrictionem, siluerunt, accessibus sensim postponentibus cum mitescentiâ.

4°. Quantò magis quâlibet circumstrictione frigus febrile imminuebatur, tantò copiosior subsequutus est sudor.

5°. Nocivos effectus ab hâc administratione hîc denuò non observavi ullos.

6°. Tempore circumstrictionis sensim prolongato, effectum etiam fuisse vidi manifestiorem.

OBSERVATIO VII.

A°. 1809. Mense Majo.

Martinus van Royen, juvenis 20. annos natus, constitutionis firmæ et robustæ, natus ex ditione Rheno-Trajectinâ, vitæ genere lotori famulans.

Hactenùs benè sanus vixerat, donec, post manifestam perspirationis cutaneæ suppressionem et diætæ simul errorem, ab initio hujus Mensis Maji, febre correptus intermittente, Nosocomio receptus est.

Febris typo quotidiana, toto morbi decursu valdè regularis.

Extra paroxysmum satis quidem benè se habet: at lingua  
fla.



flavedine obsita, animaue perquam foetida, nec non digestio prava sordes primarum viarum indicare videntur. His autem indicantibus medicatione idoneâ sublati, mansit tamen febris, eaque quotidiana, quae, horâ ipsâ meridianâ invadens, cum tremore et frigore vehementi, concutiente, perque trihorium durante, decurrit, calore et sudore non adeò notabilibus. Experiendi ergò causâ, ipse institui,

die 22. *Maji*, tentamen primum circumscriptionis, ad febrem adventantem horâ xii. applicatae, perque horae quadrantem relictæ: frigus nunc fuit mitius per bihorium ferè persistans, dein calor solito vehementior, et sudores copiosi, ad horam usque iv. pomeridianam desinente febre.

Die 23. frigus adhuc mitius; ceterùm decursus febris idem ac heri. Circumscripctio facta tempestivè, perque viginti horae minuta relictæ.

Die 24. tempestivè injectis, relictisque per semi-horam ligaturis, frigus mitissimum, sine horrore, vix ultra unam persistans horam; calor solitus, et sudor largus ad horam usque iv. pomeridianam, pulsu aequabiliore, mitius incitato.

Die 25. ultimum tentamen circumscriptionis, adventante horâ xii, ut heri, febre, applicatae, perque paroxysmum ferè relictæ. Frigus brevissimum mitissimumque, calor solitus; ac sudor copiosus ad horam usque iii $\frac{1}{2}$  pomeridianam.

Diebus 26. et 27., horâ xii., vagae aliquae horripilationes per horae quadrantem. Ceterùm benè habet.

A die 28. *Maji* ad diem 4. *Junii*, omni febre liber fuit homo, habituque corporis emendato rectè jam valuit. Attamen, antequam Nosocomium reliquerit, per dies adhuc aliquot usum amarorum, tonicorum, excitantium, continuavit.

*Notanda quaedam ad hanc Observationem.*

1<sup>o</sup>. A quo tempore et quoties circumscriptionem applicui, accessus febriles mitescere incepere et sensim prorsus silere. Ita ut

2°. Accessus febriles, perpetuò regulares, fluverint ad quar-  
tam ferè circumstrictionem.

3<sup>io</sup>. Neque hîc nocivos ab hâc administratione effectus obser-  
vavimus ullos.

4°. Tempore applicationis cujusvis indies magis protracto,  
effectus etiam sequuti sunt manifestiores.

5°. Quantò magis indies frigus febrile imminuebatur, tantò  
largior subsequutus est sudor, qui ante circumstringendi ten-  
tamen ferè nullus hîc adfuerat.

## C O R O L L A R I U M

### CONSECTARIORUM EX OBSERVATIS ET NOTATIS NOSTRIS.

I. In eâ, de quâ egimus, membrorum majorum circum-  
strictione utique valdè efficax adversus febres intermittentes  
invenitur Remedium, quo interposito, aliorum non tantùm  
Febrifugorum simul adhibitorum efficacia adjuvetur et promo-  
veatur, sed quo, etiâ solo administrato, febres hae saepè de-  
pellantur. *Conf. Obsf. I. Notâ I. II. 3. III. 1. 2. IV. 1.*  
*v. I. 6. VI. 1. 6. VII. 1. 4.*

II. Febres non tantùm tertianae simplices, sed et duplices,  
vel et quotidianae sic depelli visae sunt. *Obsf. I. ad VII.*

In quartanis hanc curationem tentandi opportunitas hacten-  
us mihi defuit.

III. Tempus quo applicari, spatiumque per quod relinqui  
debeant ligaturae constringentes, est utique ad paroxysm fe-  
brilis adventum, perque totum etiâ frigoris stadium usque  
in calorem sequentem jam plenum: itâ tamen ut paulld diu-  
tius protracta applicatio effectum utique non imminuere visa sit.  
*Obsf. III. Notâ 5. IV. 5. v. 6. VI. 6. VII. 4.*

Sci.

Scilicet spasmus periphericum non protinus cum calore adventante totum sublatum esse, docent aliae observationes, praesertim de Opio in ipso Febris decursu dato, methodo Lindii.

IV. Haec Febris depulsio, utut temporaria et ad paroxysmum praesentem solum sistendum efficax fore videri possit: vidimus tamen efficaciam se etiam dissolvere in paroxysmos sequentes, utpote qui, etiam si jam prorsus omisae fuerint ligaturae, sensim cessaverint et desierint. *Obsf. I. Notâ 1. 3. II. 14. 3. III. 1. 2. IV. v. VI. 1. 3. VII. 1. 2.* Ut credas, infracto sic semel spasmo febrili, dispositionem spasmodicam ipsam simul infringi, undè habitus periodicus febrilis suâ veluti sponte deteratur et pereat.

V. Paroxysmi autem hi sic dissipari visi sunt, ut, uno alterove accessu sensim mitiore factò, febris recedens periodum ferè servarit tertianam. *Obsf. I. IV. v. Notâ singularum 1.*

VI. Accidit nonnumquam, ut ab initio hujus depulsiois paroxysmi febriles vel duplicentur, interlabente novo febrili accessu, eoque ex lenissimo in valdè notabilem porrò et principalem incrementum; vel ut omnis, silente pristino, accessus transponatur à die hucusque febrili in diem apyretum, donec novi hi accessus eadem administratione etiam facile fugentur. *Obsf. I. IV. v. VI. Notis singularum 2. 3.*

Repetendumne hoc videatur à semini vel dispositionis febrilis periodicae vi et efficaciâ pertinacior, utpotè quae, die suo proprio cohibita, jam postridiè caput efferre laboret?

VII. Ut plurimum circumstriktionem applicatam sequi observatur calor et aestus solito major, desinens in sudationem largissimam. *Obsf. II. Notâ 6. III. 3. v. 4. VI. 4. VII. 5.*

Nonne à Naturae reactione saluari, post cohibitum spasmus periphericum inimicum, jam liberiore et efficaciore factâ?

VIII. Ex omnibus autem his observatis confirmari abundè videtur antea expositus curationis hujus agendi modus et ratio, utpotè quâ, idoneis conditionibus administratâ, spasmo peripherico inimici stadii febrilis primi cohibito, ipsa, hoc stadio provocanda, febris mitescere et silere debeat (§. 29.).

IX.


IX. Nullas autem consequutiones sanitati corporis nocivas vel infestas ex hâc administratione fluxisse, omnes nostrae docuisse videntur observationes (I. 4. II. 7. III. 4. IV. 4. V. 5. VI. 6. VII. 3.)

X. Scilicet, in nostris his febribus sic depulsis nulla obstiterunt vitia, hanc depulsionem contraindicantia, nihil quod salutarem in his febribus vim et efficaciam agnoscere, adeoque febrem non tollere juberet. Talibus enim in casibus equidem probè edoctus sum, vel febres apto regimine sibi relinquere, vel vitia quae festinatae huic depulsiōi, si vè in solidis, si vè in fluidis, in functionibus naturalibus, horumve consequutionibus, tamquàm causae morbosae obstiterint, prudenter amovere et studiose emendare, si vè id fiat ante depulsionem, si vè et sub eâ, quod et subindè factum à nobis hîc esse annotavimus. At verò, in depurandi et emendandi isto studio, peccari etiàm posse, meum non est ut hîc moneam.

XI. Quid autem in corporibus malè sanis à febrium, pro satutaribus habiturum, cohibitione tali expectandum veniat, id aliae docere debebunt observationes.

XII. Quandò tandem in tentaminibus nostris omnibus sequuti fuimus praeceptum (§. 24.), ligamine circumstringendi non nisi unam extremitatem inferiorem unamque superiorem; quaeri posset, anne magis efficax, prompta et plena futura sit febrium harum depulsio, si non modò duae sed quatuor singulae circumstringantur extremitates? — Videtur quidem ad graviores et pertinaciores febres, veluti quartanas, èt quidni ad omnes intermittentes, et forsàn remittentes, periculum valdè minitantes, vel maximè pertinere haec consideratio.

Atqui ad talia et alia tentamina nova ansam dedisse nobis jam suffecerit, qui stilum hîc ponimus.





## PROPOSITA AD DISCEPTANDUM VARIA.

---

I. **M**edicina est Ars, quatenus versatur in ultimo suo fine, vitae puta hominum sanitatisque conservatione et morborum curatione rectâ et prudente.

II. Scientia verò est Medicina, quatenus, quae ad scopum illum attingendum faciant, disciplinas, ex principiis quasque suis deductas, vinculoque arcto inter se nexas, benè tenet et comprehendit.

III. *Variae autem Doctrinae medicae partes duabus principibus* — Anthropologiae et Iamatologiae *classibus comprehendi commodè possunt.*

IV. Non satis est hominum tantum corpus conservare, sed etiam statum et affectiones mentis quantumpotè regere oportet.

V. *Limites Physiologiam inter et Pathologiam determinati non faciliè constituuntur.*

VI. Somni causa proxima in nimia debilitatione vel exhaustione vis animalis cerebri quæri posse videtur.

VII. Sanguini reapse inesse principium quoddam sui generis vitale, assumimus, nec tamen negandum, firmarum corporis partium vim vitalem ad humorem illum catholicum vivum constituendum, perficiendum et alterandum plurimam conferre partem.

VIII. A Reilii et Hufelandi partibus stamus, quando contendunt, partium Incirabilitatem aequè qualitativè ac quantitativè (sit venia vocum barbariei) peccare posse.

IX. *Errant Brunoniani contendentes, Stheniam (robur) simul cum Astheniâ (debilitate) in eodem corpore adesse non posse.*

X. *Nec Sthenia universalis nec universalis Asthenia morbum constituere nobis videtur.*

XI. *At sublatum hæc de causâ functionum æquilibrium morbus dicendus est.*

XII. *In morborum naturâ rectè aestimandâ non solum ad causas adventitias et morbi symptomata, sed et ad corporis prædispositiones seu seminia est respiciendum.*

XIII. *Indicationem gastricam, quæ dicitur, summi sæpè, in morbis curandis momenti esse asserimus.*

XIV. *In quâ tamen Indicatione valdè appositum mihi videtur clariss. Max. Stollii (Aphor. 841.) monitum: „cautus sis in Emeticis et Purgantibus propinandis, iterandis, ne signa saburrae fallacia habeas pro veris.”*

XV. *Qui prudenti variolarum vaccinarum insitioni se opponunt, præjudiciis, uti videtur, occupati, malè certè consulunt generi humano.*

XVI. *Qui præmaturo labore litterario et disciplinarum studio tenellos puerorum, corpore potius exercendorum, animos defatigant, eorundum corporum robur irreparabili noxâ ferè deterunt.*



AAN MIJNEN GELIEFDEN

V R I E N D

W. R. VAN BAERLE,

BIJ ZIJNE BEVORDERING TOT DOCTOR  
IN DE GENEESKUNDE.

Op den xxxi van Hooimaand A°. MDCCCIX.



**V**erloren is het bloessem leven,  
Waar ieder dier en plant en steen,  
Een God door d'adren voelde beven,  
Zoo vaak des Hemels fakkel scheen.  
De gruwbre dieren die tbans loeijen,  
Elkaar verdelgen in het woud,  
Zag men als kindren zamen stoeijen  
En daitlen in het scheutig hout.  
De zee, bezield met meergedrogten,  
Werd tot een bed van stille rust,  
Men zag in hare kromme bogten  
Geen Krokodil op bloed belust.  
Een citertoon, door Orpheüs handen  
Gebragt aan 't smachtend dierenoor,  
Deedt 't hart in reine liefde branden,  
Zoo bij het Vee, als Vogelkoor.  
Elk takje strekte met verrukken  
De groene handjes naar het licht,  
Der bloemen hoofdjcs zag men bukken  
Voor Titan's bontgekleede wicht.  
Men zag de rots in vreugde zweven;  
Zij boog het hoofd voor Orpheüs neer,

Zij

Zij voelde een nieuw, aanminnig leven;  
 In hare steeds beperkte sphaer.  
 Geen ziekte kon de rust verstoren  
 In die *Geheelheid* van het *Al*:  
 Elk scheepsfel werd gestaag herboren  
 Zoo op den heuvel als in 't dal. —  
 Daar, waar geen wanklank zich kan vormen,  
 Blijft alks in het evenwicht;  
 Hoe zeer ook d'elementen stormen,  
 Hebtreedt weêr alles in het licht.  
 Harmonisch blijft ja steeds het leven,  
 Dat *aan*, en slechts *voor zich* bestaat,  
 Dat naar geen vreemde kracht wil streeven,  
 Noch 't oog op het verschijnsel slaat.



Zoo waren de eerste kinderdagen,  
 Door blinde *zintlijkheid* verstoord,  
 Die 't *Geestenlicht* niet kan verdragen,  
 't Geen op den kruin der wijsheid gloort.  
 Een geest bezielde 't hooge wezen  
 Aan ieder scheepsfel ingelegd,  
 Dat uit de schepping opgerezzen  
 Zich minlijk aan den Schepper hecht.  
 Des werelds poort was niet geslooten  
 Voor hem die *Eigenkennis* hadt:  
 Hij vroette en zocht steeds onverdroten,  
 En vondt Cijbeles rijkste schat.  
 Het oog op 's levens bron geslagen,  
 Behoefde hij nog schroef of kram,  
 Nog beugel, glas of doode schragen  
 Van eenen langverdorden stam,  
 Bewust dat men de levenskrachten  
 Niet kan *erkennen* door den dood;  
 Moest hij het nietig tuig verachten,  
 Thans nog geschat als een kleinood!  
 Zeer diep is 's levensgeest gezonken!  
 En door den schijn in slaap gesuft,



Leest hij, van vreemde wuifheid dronken,  
 Nog vaak in dezen staat gerust!  
 Veele eeuwen zag men henen rollen  
 Met dezen tijden waan beziel;  
 Des levens bloed in d'adren stollen,  
 Elk geestenkiemtje fluks vernield.  
 De mensch, erkennend zijn gebreken,  
 Vondt zich verlaagd met 't domme vee.  
 Van *diep geheim* mogt niemand spreken,  
 Of straks weergalnde 't angstig wee!



Thans is die strenge tijd verzwonden,  
 Die Kunst en Wetenschappen doemt,  
 Die aan den helschen nijd verbonden  
 De *zinnelijkheid* het *ware* noemt.  
 Een' nieuwe schepping ziet men dagen —  
 De geest der tijden meer en meer  
 De langverwachte vruchten dragen,  
 Ontsproten uit de scheppingsleer.  
 De geestenwereld is ontfloren  
 En niets kan meer verborgen zijn.  
 Hebt Gij dus heilge spijs genoten,  
 Dan drink der Goden levenswijn.  
 Betreed dan niet alleen den drempel  
 Voor 't heil der Menschheid opgericht;  
 Maar dring in 't diepste van den tempel,  
 Door *waarheids* glans zoo hel verlicht.  
 Bewandel, steeds met reine zinnen,  
 Des Hemels schoonen bloesemhof.  
 Daar zult ge meer genoegten winnen,  
 Dan in het rietig wereldstof. —  
 Er ligt voor U het boek der waarheid,  
 Door Schelling's geest in 't licht gebracht.  
 Daar vindt Gij in de grootste klaarheid  
 Geopenbaard des levenskracht.  
 To sorthros immers is herboren —  
 Die God die U op heden kroont,  
 Die allen roem reeds hadt verloren,  
 Van 't laagst gepeupel werd gehoond.

Hij!

Hij ziet zich 't nieuwe Outer stichten  
Op het verguisde Pantheon,  
Durft weêr Zijne Arendsoogen richten  
Naar elken staal der gouden zon.



Blijf Hem getrouw als uwen Vader,  
Dan voert Hij U aan zijne hand,  
Der wijze Godheid immer nader,  
Verceerd in beter Valeisland:  
„ Dan droogt Gij wezenlijk de tranen,  
„ Wen 't heil uit *uwe* handen vloeit,  
„ Wen Gij de wegen *zelfs* kunt banen  
„ Op welkers boorden 't welzijn bloeit:”  
Dan noemt men U met zielsverrukken  
Den redder en den menschenvrind —  
Dan voelt ge uw' handen dankbaar drukken,  
Door 't lieve moederminnend kind.  
Geniet Gij in uw kring dien zegen,  
Die U mijn hart bij dezen biedt,  
En die een elk op uwe wegen  
Reeds schouwen kan in het verschiet;  
Dan mogen stormen woedend loeijen  
En donders gonzend neder slaan,  
Elk element zich wuft vermoeijen  
En dringen bruischend op U aan.  
't Is niets! ge kunt dien nood trotseren,  
Die zich zoo fel te zamen drukt,  
En van uw hoofd de slagen weren,  
Zoo lang Gij wijsheids bloemen plukt.

P. G. VAN GHERT.  
Jur. Utr. Doct.




A A N M I J N E N V R I E N D

W. R. V A N B A E R L E,

BIJ ZIJNE BEVORDERING TOT DOCTOR IN  
DE GENEESKUNDE,

te Utrecht, op den xxxl. van Hooimaand A°. MDCCCIX.



Gij ziet thans, o mijn Vriend! uw noeste vlijt beloonen,

Met d'onverwelkbre kroon die Aesculaap U geeft.

Uw loopbaan, dus voleind, is aan het doel gekomen,

Dat zoo veel invloed op uw volgend leven heeft.

Voleind! waar is het eind' der Kunst die Gij beoefent,

Schoon zij door Vrouw Natuur bestendig wordt geleid?

Want nachtelijk floers omhult het diep geheim van 't Leven:

Men tast soms zoekend rond, en vindt geen weg bereid.

Maar, ondervinding voert, wen oordeel haar verzelle,

Tot Waarheid's glansrijk licht, dat in dit duister straalt:

„'t Eenvoudig' is haar zegel", en, vrij van vreemde luister,

Voert zij geen pronk van taal, waar valsch vernuft mee praat.

De

De eer, mijn Vriend, is groot; U op deez' dag beschooren,  
Maar groter noch de plicht, U op het hart gedrukt.  
Aan dien getrouw, word' steeds door U de smart geleenigd  
En vaak aan 't gapend graf een dierbre prooi ontruikt.  
De Moeder die haar Kind — de Man die zijne Gade  
Door U te rug ontvangt en dankbre traanen schreit,  
Beloonen meer uw' vlijt, dan alle schat der aarde:  
Want Peru's goud blijft hier; — de deugd loont d'Eeuwigheid.

B. W. S.













